









日下舊聞卷十二

城市三 東城

崇文文庫

明時坊西四牌十六舖東四牌二十六舖有羽林右衛

武功左衛武功右衛武功中衛 五城坊巷

京師九門皆有稅課而統于崇文一司原額歲九萬餘

兩今加至十萬餘兩矣各門課錢俱有小內使經筵收

納囊襍騎驢例須有課車則計囊襍多寡以為算至于


桑如入城鄉民亦於鬚邊插錢二文以憑小內使徑往

摘取之彼此不相問也 舊京遺事

薛瑄夏日出文明門詩文明門外柳陰陰百轉黃龍

送好音行過御溝回望處鳳凰樓閣五雲深 敬

蔡汝楠夏日登崇文城樓玉京城闕鬱崔嵬炎夏



日下舊聞

卷十二



攀逸興催亭午薰風吹解帶半空爽氣接行衣  
水映翠恩出碣石雲移暉睨開自是憑高  
來賦客慣登臺自知堂集

蕪州衙衙有苦井弘治間正月朔日晨有術士汲其水  
往甜井中易水而來向井祝詛而下之此井遂變為甜  
水七修類稿

泡子河在崇文門之東城角前有長溪後有廣淀高樓  
環其東天臺峙其北兩岸多高槐垂柳空水澄綠  
明秀不獨秋冬之際難為懷也北有呂公祠以乞夢  
驗歲大比諸士子爭往焉河上諸船提苦無幾大者  
濱之頽園廢圃多置不葺城內自德勝河外  
里間無車塵市肆惜命者少耳

泡子河南岸有方家園張家園房家園北岸有張家園  
傅家東西園中呂公堂西楊氏泌園東玉皇閣北貢院  
帝京景物畧

于少保祠額曰忠節在崇文門內東裱背巷公故賜宅  
也祠三楹中塑公像歲春秋遣太常寺官致祭公被刑  
于天順元年復官于成化二年賜謚肅愍在弘治三年  
改謚忠肅在萬曆十八年春明夢餘錄

文思院在舉場衙衙屬工部屯田司官有大使副使長安客話

正德四年閏九月遷文思院于安仁廠隙地以成造軍  
器數多且舊院空僻嘗被盜故也武宗實錄

六年七月改建工部文思院于東城明時坊以舊置地



甲沮洳不便改作故也同上

京師試院改舊禮部為之乃正統年間事湧幢小品

貢院在城東隅元禮部舊基也永樂乙未改為貢院制

甚偏隘嘉靖中議改擬西北隙地卒未果至萬曆二年

因故址拓旁近地益之春明夢餘錄

永樂三年令北直隸府州縣於順天府鄉試明會典

永樂乙未始開科于北京王忠肅翺名在第五文廟以

北京初啓會闈而魁得畿甸士心喜遂以布衣召見賜

酒食瑣綴錄

正統三年翰林侍講學士曾鶴齡主考順天鄉試初試

之夕場屋火試卷有殘闕者有司懼罪不敢以更試為

言惟欲修葺場屋以終後兩試鶴齡曰必更試有司具

二說以進命如鶴齡所言貢舉考

天順七年二月舉會試值貢院火監察御史焦顯因鎖

其門不容出入舉子焚死者九十餘人上憐之賜死者

俱進士同上

國子監丞閻禹錫因試院灾奏稱舉子遭火者多是平

昔有學之士一夕無辜抱忠而死膏塗墻壁肉食鳥雀

使踰垣而出者咸有灰心環視而歎者多懷去志乞賜

進士名色以表其門禮科給事中何琮等劾之言臣等

見火死者朝廷已命有司具棺埋葬士子目覩德澤所

及莫不感激奮勵豈有灰心去志者哉今禹錫調弄巧

言形容過情奏對失實宜正其罪遂下錦衣衛獄鞠之

英宗實錄



時禮部以試院狹隘故遭火請擇城中隙地改設之事  
下工部議左侍郎霍瑄右侍郎薛遠擇安仁坊草場請  
改爲試院造板房以易席舍及會計物料以聞上曰試  
院仍舊可也戶部草場豈宜擅易并其屬郎中等官皆  
下獄同上

天順七年五月朔修試院同上

張居正京師重建貢院記今天子踐祚之三禩新修  
貢院成其地因故址拓旁近地益之徑廣百六十丈  
外爲崇墉施棘徼道前入左右中各樹坊名左曰虞  
門右曰周俊中曰天下文明坊內重門二左右各有  
廳以備譏察次右曰龍門直甬道爲明遠樓四隅各  
有樓相望以爲瞭望東西號舍七十區區七十間易

舊制板屋以瓦甍可以避風雨防火燭北宇爲至  
堂堂七楹其東爲監試廳又東爲彌封受急焚於三  
所其西爲對讀謄錄二所後爲聚奎堂七楹旁舍三  
三楹主試之所居也又後爲燕喜堂三楹東西舍凡  
十六楹諸胥吏工匠居之其後爲會經堂堂東西  
房相屬凡二十有三楹同考官居之工始于萬曆二  
年三月以明年九月告竣按京師貢院始於永樂乙  
未是時考士未定文皇帝以巡狩御白喉庶事草創  
其所舉士秋試不過數十人春試率百餘人故試院  
雖湫隘亦能容及燕罷既定人又新開兩畿諸省  
額歲增士就試南宮至四千有奇而貢院偏隘如  
又維居民舍間議者咸請改觀西北豫



言東方人文所會宜因其址而克拓之然旋議旋廢  
未有必然之書也今天子始命有司之請一旦易  
陋而為闕麗非振奮焉能有成哉 文岳集  
趙用賢重修貢院記國家每三歲取貢士于鄉已從  
春官上計率儀院三試之於貢院之在畿內者間歲  
一再從事乃其制獨厚焉無以專事嚴置體  
又百執事各處其事而致阻滯無以專事嚴置體  
稽奸慝而警禁御也嘗又事定北平百司以  
次觀之而文教猶舊列聖訓起道化治法之扶策  
至者往往填溢宵院至無所歸已世廟末第一  
創屬財用方謫僦一開墾道厥後 文岳集  
之初首采祥言廓然更始也

北曠緩更為相地所宜拓者東西若干丈其南北亦  
屋官酬以直得若干丈乃以萬曆甲戌鳩工庀材其  
外表棹楔列交戟簾之外為樓五為堂一為號舍四  
千八百有奇簾內為聚奎堂一為會經堂一為考官  
房四十有一他如監臨督察迷庖涓輿隸有事豫  
者率樹之堂牖閑之垣檻凡為屋大小三百四十五  
楹費四萬九千九百餘金越明年乙亥九月告成  
石齋集

皇朝定制鄉試以子午卯酉年會試以辰戌丑未年  
兩癸未一以太宗靖難一以文場災並以甲申開科  
德庚辰武宗南巡會試登第者至辛巳始廷試 明史  
宋科舉制以二月十二日鎖院十八十九二十別試



賦論策爲三場二十二二十三二十四又試經義論策  
爲三場今以初九十二十五三日了之昔何從容今何  
遂耶才能豈勝古人只落得文章率耳服老齋雜記  
洪武甲子鄉試乙丑會試初爲小錄以傳然惟刻董事  
之官試士之題及中選者之等第籍貫經籍而已其錄  
前後雖有序然猶未錄士子之文以爲程式也次科  
辰始刻程文自是遂爲定式翰林記  
正統元年會試出大學論語中庸題而不及孟子十年  
會試出中庸大學孟子而不及論語成化元年順天鄉  
試出論語二道孟子一道而不及大學中庸其後定大  
學中庸內量出一道論語孟子各出一道遂爲例  
林記

試主考或待詔或典籍或經修紀善初不  
癸丑始命少保黃淮與少詹事王直主之淮  
以謝恩至京點用至弘治庚戌命大學士徐溥  
命大學士李東陽然未有用二輔臣者自天啓壬戌  
命何宗彥朱國祚同主試後遂因之春明夢餘錄  
大啓二年二月辛未命大學士何宗彥朱國祚主會試  
故事會闈以閣臣典試而詹翰一人副之已推禮部尚  
書掌詹事府事顧秉謙上特命國祚國祚跪辭上曰今  
歲係朕首科特用二輔臣以光重典卿不必辭熹宗

按是年宗室子朱慎登登進士榜先太  
恪公請于朝優選京秩遂除慎登爲中



人宗室舉進士前此未有蓋始于是科  
金谿王公英以永樂丁酉主順天鄉試明年戊戌  
復為主考官庚子仍主順天鄉試連為主司者三至  
卯又主順天鄉試宣德庚戌正統壬戌復為會試  
凡三典北闈三主會試而王元美述盛事未之及  
與 棘關記

永樂十六年戊戌會試金谿王英實為總裁至十八  
庚子二十一年癸卯復主順天鄉試永樂十九年辛  
會試吉水周述實為總裁至宣德七年壬子復主順  
鄉試宣德五年庚戌會試吉水錢習禮實為總裁至  
年壬子正統六年辛酉復主順天鄉試皆先主會試  
後主鄉試後世則未聞矣 同上

永樂中各省鄉試多有儒士主考而品官司考者  
二年會試莆田林文修撰也而為主考吉水劉  
也而為同考當日重在衡文不序爵也 同上  
北京解元其初不盡北直隸人如景泰丙子徐泰正德  
丙子周光宙嘉靖戊子馬一龍辛卯馬從謙癸卯沈  
慶隆慶丁卯莊允中俱南直隸人正統辛酉章以占甲  
子司馬恂天順壬午鄭宏弘治戊午徐青辛酉謝丕嘉  
靖壬午周禕巳酉孫鋌俱浙江人成化丙午羅玘江西  
人宣德壬子尖雍徐慶庚午李廷機萬曆癸酉柯挺俱  
福建人嘉靖丁酉鄭光溥山東人宣德乙卯鄒冕河南  
人嘉靖乙卯楊濂四川人自萬曆壬子宋鳳翔以浙人  
領解此後必北直隸人居首矣南京解元其初亦不盡



南直隸人如正德庚午許繼先嘉靖戊子許仁卿俱浙  
江人洪武甲子廖孟瞻丙子尹昌隆永樂辛卯徐則寧  
嘉靖壬子孫溥俱江西人洪武庚午黃文史永樂戊子  
黃壽生俱福建人也夫科場取士期于得人莫非王臣  
議者必欲區別之名從公而實私也至于鄉試分南北  
卷北止于處而南止于處其取數則均會試分南北中卷  
廣東置南卷而安南則置中卷名爲均而實不得其均  
者北人不肯出南人不肯言遂垂之爲不變之法矣兩京求舊錄

洪武庚午應天鄉試長黃文史以作全場五經題領  
解至天啓甲子間人顏猷猷亦作五經題膳錄官嫌其  
違制止膳四書義三篇義四篇以人同考官邢彪佳

取之既放榜始知爲一經也崇禎甲戌會試以知貢舉  
林鈺言士子有作五經全題者得俱膳進允之於是茂  
猷亦中式禮部刻會試錄特旨命題顏茂猷姓名于第  
一名李青之前蓋異典也至十年丁丑臨川揭重熙上  
一于癸未嘉興譚貞良慈谿馮元麟武鄉趙天麟皆以  
五經舉鄉會試又萊陽宋瑚十二年己卯亦以五經中  
山東鄉試聞丁丑科會試作五經題者四人止重熙一  
人不得其三人其人不可得而舉矣 棘關記  
國朝京官俱不用繖惟考試官入場狀元歸第乃得用  
之明良記

觀象臺在城東南隅臺上有渾天儀鑄銅爲器四柱以  
銅龍架而懸之又有簡儀狀相似而省十之七止周圍



數道而已玉衡亦以銅爲之如尺而首尾皆曲有二孔對孔直闕以候中星又有銅球左右轉旋以象天體以方函盛之函四周作二十八宿真形南面有正統御製銘臺下小室有量天尺鑄銅人捧尺北面室穴其頂以候日中測景之長短中爲紫微殿殿傍有銅壺滴漏其簡儀乃耶律楚材製春明夢餘錄

至元十六年建司天臺于大都儀象圭表皆銅爲之元史

元興定鼎于燕儀象之器其初夔用金舊而規環不協於是太史郭守敬出其所製簡儀仰儀及諸儀表皆臻于精妙蓋有古人所未梯庵小乘

大史郭公守敬言曆之本在於測驗而測驗之

儀表今司天渾儀宋皇祐中汴京所造不與此處相符比量南北二儀約差四度表石年深亦復歛盡考其失而移器之既又別圖爽塏以木爲重棚制簡儀高表用相比覆又以爲天樞附極而動昔人嘗管望之未得其的作候極儀極辰既位天體斯正作天象象雖形似無適所用作玲瓏儀以表之矩方測之正圓莫若以圓求圓作仰儀古有經緯結而不動則易之作立運儀日有中道月有九行公則一之作證理儀表高景虛胸象非真作景符月雖有明察景則難作闕几曆法之驗在於交會正日食月食儀天有赤道輪以當之兩極低昂標以指之作星晷定時儀以上凡十三等又作正方案九表懸正儀座正儀九儀凡四等



爲四方行測者所用又作仰規覆矩圖異方渾蓋圖日  
出入永短圖凡五等與上諸儀互相參考名臣事畧  
舊儀既多蔽礙且距齒但一度刻而無細分以管望星  
漸外則所見漸展尤難取的郭公所爲儀但用天常赤  
道四游三環三距設四游于赤道之上與相套在內同  
附直距于四游之外與雙環兩間同結線距端凡測日  
月星則以兩線相望劈取其正中所當之刻之度之分  
之杪之數舊表公尺謂夏至之景尺有五寸千里而差  
一寸唐一行已嘗駁議公所爲表五倍其舊懸施橫梁  
每至日中以符窳夾測橫梁之景折取中數與舊表殊  
元文類

元立簡儀爲圓室一間平置地盤二十四位於其下屋

背中間開一圓竅以漏日光可以不出戶而知天運前  
代立八尺之表以量日景故表短而晷影短尺寸易以  
差元立四丈之表於二丈折中開竅以量日景故表長  
而晷影長尺寸縱有毫杪之差則少矣玲瓏儀鏤星象  
于其體就腹中仰以觀之此出色目人之制也草木子  
姚燧簡儀銘舊儀昆侖六合包外經緯縱橫天常表  
帶三辰內循黃赤道交其中四遊類仰鈞簫凡今改  
爲皆析而異絲能窺明無窒于視四遊兩軸二極是  
當南軸攸沓下乃大常維此欹傾取軸架應鏤以百  
刻及時初正赤道上載周列經星三百六十五度奇  
贏地平安加立運所履錯勒于隅若十二子五環三  
旋四衡孳焉兩綴闕距隨振留遷欲知出地究茲立



運去極幾何卽遊是問赤道重衡四弦末張上結北  
軸移景相望測日用一推星兼二定距入宿兩候齊  
視巍巍其高莫莫其遙蕩蕩其大赫赫其昭步仰之  
間肆所蹟攷明乎制噐運掌有道法簡而中用密不  
窮歷枚古陳未與侔功猗歟皇元發帝之蘊昇厥義  
和萬世其訓 牧庵集

又仰儀銘不可形體莫天大也無競惟人仰釜載也  
六尺爲深廣自倍也兼深廣倍挈釜允也振漑不洩  
繚以滄也正位辨方日子卦也橫縮度中平斜再也  
斜起南極平釜斂也小大必用入地畫也始周浸斷  
浸極外也極入地深四十大 一赤道斡也  
刻刻五十六時配也衡竿加 也以負縮也

子午對也未旋機杖欵納芥也上下懸直與斂會也  
視目漏光何度在也賜谷朝賓夕餞味也寒暑發斂  
驗進退也薄蝕終起鑿生殺也以避赫職奪日害也  
南北之偏亦可槩也極淺十七林邑界也深五十二  
鐵勒塞也淺赤道高人所載也夏短冬永猶少差也  
深故赤平冬晝晦也夏則不沒永短最也二天之書  
曰渾蓋也一儀卽揆何不悖也以指爲告無煩喙也  
闇資以明疑者沛也智者是之膠者怪也過者巧曆  
不億輩也非讓不爲思不逮也將窺天朕造物愛也  
其有俟然昭聖代也太山橈兮河如帶也黃金不磨  
悠久賴也鬼神禁訶庶勿壞也 同上  
揚桓渾象銘於昭聖皇德維天希密察乾坤動符化



機乃命大史考順求違制器象天具體而微度數基  
布星次珠輝道分黃赤擬議圓規兩極低昂中主璇  
璣匱方象地極樞以維地本天函術取外圍反而觀  
之其趣同歸體雖至約用足明大象設目前人居天  
外觀天之裏合象之背日月交錯五行進退造化無  
窮不出戶內始終參求簡儀是配於昭聖皇夙夜睿  
思先天天合後天奉時先後惟天聖皇無爲元文類  
又玲瓏儀銘天體圍穹三辰在中星雖紀度天實無  
窮天度之數環周三百六十五度四分度一因星而  
步推日而得月次十二往來盈虧五星參差進退有  
期判爲寒暑分爲四時太史司天咸用周知制諸法  
象各有攸施萃于用者玲瓏其儀十萬餘日經緯均

布與天同體協規應矩徧體虛明中外宣露元象森  
羅莫計其數宿離有次去極有度人由中闕目卽而  
喻先哲實繁茲制猶未逮我皇元其作始備實因于  
理匪鑿于智於萬斯年寶之無墜同上

又高表銘聖人修政唯農是本農之所見時則爲準  
過與不及民安寃之勤措由中聖人授之時在于天  
術何以得制器求之乃見天則日月周運閏餘歲成  
盈虛消息在表斯徵分至旣辨氣序乃會朔晦一定  
弦望由對爰演斯曆用詔民時百工允治庶績用熙  
表中以正圭平以直不言而喻與時偕極天德芒芒  
參以明焉民生皞皞振以興焉惟昔八尺景促分密  
爲用雖可每艱辨析聖皇御極百度維新乃五其昔



其用益神表高之法先哲匪憚其顛景虛取的是患  
表梁上陳景符下依符竅得梁景辰精微揆月有方  
閔几是映几限容光圭表交應器術之密推步之精  
歷古于今斯畢其能上天之載無聲無臭聖皇儀刑  
在其左右仁民育物以對天祐眉壽萬年寶茲悠久  
同上

吳師道九月二十三日城外記遊作杪秋暇日休弦  
歌五門城外觀新河斗門決水已數日淺沙漫漫無  
餘波縱橫疏鑿引別派監官督役猶揮訶循堤側足  
懼蹠惡驚見崩拆當盤渦故橋舊市不復識祇有積  
土高坡陀城南靡靡度阡陌疎柳掩映連枯荷清臺  
突兀出天半金光耀日如新磨璣衡遺製此其的衆

環倚益森交柯細書深刻皇祐字觀者嘆息爭摩挲  
司天貴重幸不毀回首荆棘悲銅甌長春宮苑最宏  
麗飛樓湧殿凌層坡喬松夭矯百歲物復有偃蓋低  
婆娑平生素聞百一帖樂石壁置周簷阿金源中葉  
盛文物玉堂學士鏘鳴珂旁搜帙墨作藻飾欲與唐  
晉爭嗟峨至今摹榻傳好事道士卻換人間鷺仙盃  
珍蘂巨桃核御書雲鶴題宣和不知何處有此木們  
爾結實良非也瑤池漢殿語茫昧遂使世俗猶傳訛  
尋幽訪古產方已起視落日歸禽多卻趨林亭憇清  
絕盆菊采采黃金窠蟹螯斫雪新碧對此不樂將  
如何莫謂酒處為歌舞錦鞵翠袖迓嬌娥儒冠已受  
俗子笑况復衰容雙鬢儲下帷閉閣來跡少龍麟不



肯侯... 延良友幸追逐未忍返棹尋魚簞今朝  
一笑看坐客朱顏陀鳳城半掩歸路嗔爭  
道擊鼙如飛梭九衢冥濛漲塵霧漸見燈火稀星羅  
作詩寫實不可緩馬上已復成微哦 吳禮部集

按元之都城在北白馬廟柴市瓊華島皆  
在南城今之觀象臺則在南城之外讀吳正  
傳城外紀游作可信已

正統二年二月行在欽天監監正皇甫仲和等奏南京  
觀星臺設渾天儀璿璣玉衡簡儀圭表以闕測七政行  
度凌犯遊留伏逆北京齊化門城上觀測未有儀象乞  
令本監官一人往南京督匠以木如式造之赴北京較  
北極出地高 准驗然後用銅鑄造庶占象不天從之

四年十月造渾天儀璿璣玉衡簡儀五年九月御製觀  
天之器銘 英宗實錄

英宗御製觀天器銘粵古大聖體天施治敬天以心  
觀天以器厥器維何璿璣玉衡璣象天體衡審天行  
歷世更代垂四千禩沿襲有作其制寢備即器而觀  
六合外儀陽經陰緯方位可稽中儀三辰黃赤二道  
日月暨星運行可考內儀四游橫簫中貫南北西東  
低昂旋轉簡儀之作爰代璣衡制約用密䟽朗而精  
外有渾儀反而觀諸上規下矩度數方隅別有直表  
其崇八尺分至氣序考景咸得祿象在天制器在人  
測驗推步靡忒毫分昔作今述為制彌工既明且悉  
用將無窮惟君勤民事天首務民不失寧天其予顧



政純於人天道以正勒銘斯器以勵予敬同上

景泰中欽天監奏觀星臺在東城上喧擾不便而屋宇

墻壁多壞乞徙至東長安街臺基厥則高與西長安街

二塔相對足為青龍白虎之象於堪輿家所言形勢相

宜帝允其請六年三月造內臺簡儀成八月以勞

擾罷徙實錄

弘治十四年十二月改造觀象臺渾儀及簡儀孝宗十

先是欽天監監正吳昊請改造觀象臺原製渾儀及修

改簡儀禮部請令監正張紳議之紳謂原製渾儀時未

經校勘黃赤二道相交于奎軫不合今之四止湯經故

南北圓軸不合兩極出入地度陰緯而東西日又不

與太陽出沒相當是以推驗無準從前不用簡儀難用

以測驗然當時鑄造雲柱頗短小亦稍不合天樞故推

測經星去極亦有差謬今改造渾儀宜以赤黃二道改

交于壁軫則與今之四正陽經相合而圓軸闕管亦無

不相合相當者簡儀雲柱則比舊少加高大足矣禮部

復請令紳等呈木樣至是樣成禮部請如昊等所奏從

之孝宗實錄

嘉靖二年九月修觀象臺占風竿及渾天儀簡儀世宗

實錄

京師城東偏有觀象臺高五丈許其上有渾天儀一具

如世所圖璇璣者皆鑄銅為器四柱以銅龍架而懸之

製作精巧又有簡儀一具狀相似而省十之七只周遭

實錄



數道而已玉衡一亦銅為之如尺而首尾皆曲有二孔對孔直窺以候中星又有銅毬一左右轉旋以象天體以方函盛之函四周作二十八宿真形南面有御製銘正統七年作也臺下小室有量天尺鑄銅人捧尺北面室穴其頂以候日中測景之長短冬至後可得一丈七尺夏至後可得二尺云中為紫微殿殿傍有銅壺滴漏一器然皆不注水徒虛具耳五雜俎

觀象臺一名瞻象臺高百尺許與城堞女墻並峙距棘闈咫尺耳上有璇璣玉衡渾天立運諸儀傳為耶律楚材所製乃正統十一年倣元人所製也燕都遊覽志今京師吳閻逼城觀象臺之巔有渾天儀其質皆銅有四柱以龍承之懸儀于上製作精工銅亦古潤作紺色

傍另有一儀式小不及其半交道亦減又有玉衡如尺又有銅毬象天圖體外列二十八宿上刻正統七年御製銘予按此非本朝人所辦意必故元舊物按宋沈括云司天監銅渾儀景德中韓顯符所造依劉曜時孔挺晁宗解蘭之法天文院渾儀皇祐中舒易簡所造用唐梁令瓚僧一行法至熙寧括監太史局受詔改造渾儀置之天文院而移天文院舊銅儀于朝服法物庫蓋宋世渾儀有三金人入汴諸法物俱北去此固蒙古得之完顏者耳至正統而重修則有之且銘有昔作今述之句知非瓶矣野獲編

于慎行簡儀替若若元運莫莫三辰譬彼輻輳轉於一輪舊儀洵美而狀渾淪卓哉良史創物維新其新



匪他維舊而析四游兩軸當乎二極南軸攸杳天常  
下直維北欹傾軸焉足式赤道上載列宿周天三百  
六十五度寄焉樞機所運五環三旋去極之度游則  
昭然囊括兩儀珠輝七曜象在靈臺不言而告邈矣  
斯人何識之妙配皇等極昭茲神造穀城山房集  
張一桂贊於惟帝王憲天出治敬天以心測天以器  
爰稽往古實造渾儀考時布令仰觀俯闡歎體至圓  
厥形左運璇璣玉衡推步斯調度刻雖具細分未全  
以管望之漸外漸懸及勝國時郭太史氏遜覽幽探  
獨臻至理實通舊制簡儀乃成四游上附直距外經  
三距三環天常赤道結環距端遠近相較兩綫相望  
于以測之日月極遠分秒適宜纖悉咸備惟精惟密

簡要可遵百世莫易我思古人大衍太初三樞七直  
視此爲踈赫赫皇朝損益前代尚象明時獨茲不廢  
鄒城東閣崇臺巍然爲國重器於萬斯年八科館課  
般若庵在明時坊有勅建碑順天府志

寶源局在城東石太人衛衙石亭舊宅也亭誅宅沒入  
官嘉靖中以賜仇鸞鸞敗復沒入官因改爲鼓鑄公署  
蓋鼓鑄一事其初惟屬工部至天啓二年始添寶泉局  
屬之戶部而工部所鑄微矣春明夢餘錄

黃華坊四牌二十一舖有武學王府倉祿米倉武德衛  
典武衛豹韜衛神策衛龍虎衛智化寺二郎廟五坊坊  
巷衛衛集

京衛武學始于正統六年除教授一員訓導六員教習



勲衛子弟以兵部司官提調之 春明夢餘錄

京衛武學其堂名明倫六齋名居仁由義崇禮弘智惇

信勸忠 實錄

吳寬武學設廟像記畧京師有武學所以教諸衛武臣之子孫將世其官者其始建乎正統癸亥制尙弗稱後朝廷以城東舊第賜故太平侯張公辭焉有詔改爲學而以國子監丞閻禹錫掌學事成化己丑禹錫奏請建廟特改明倫堂爲大成殿而以後堂爲堂英國張公入謁歎曰學必有廟廟必有聖賢像繫此獨用木主於廟制亦弗備聞故陸侍郎家有孔子并四配像盍往請之於是侍郎之子華喜而言曰先人爲此豈欲私於其家者哉遂以乙巳二月之吉輿置

殿中奉安之祭告如禮 魏翁家藏集

天順元年四月詔復王振官刻木爲振形招魂以塋塑

像智化寺北祠之勅賜祠曰旌忠 國朝典彙

正德二年五月陞僧錄司右覺義性道爲右講經僉押

管事兼智化寺住持寺乃故太監王振所建天順初賜

振碑文立旌忠祠于寺內以僧官主之至性道三傳矣 武宗實錄

劉瑾欲效振所爲故乞陞性道 順天府志

靖恭寺維摩庵俱在黃華坊有勅建碑 順天府志

京師黃華坊有東院有本司衛衛本司者教坊司也又

有勾欄衛衛演樂衛衛相近復有馬姑娘衛衛宋姑娘

衛衛粉子衛衛出城則有南院皆舊日之北里也 析津



正德中樂長賊賢甚被寵遇曾給一品服色相傳教坊司門曾改方向形家相之曰此當出玉帶數條聞者笑之未幾上有所幸伶兒入內不便詔盡宮之使入爲鐘鼓司官後皆賜玉

穀城山房筆塵

燕山倡伎皆以子爲名若香子花子之類無寒暑必繫綿裘其良家仕族女子皆髡首許嫁始留髮冬月以括婁塗面但加傅而不沐至春煖方滌去久不爲風日所侵故潔白如玉也

雞肋編

京師倡家東西院隸籍教坊猶是唐宜春院遺意東院以色西院以琵琶藉黥戚以避貴遊之擾

舊京遺事

李月仙郭子夜崔瓊崔新張

卿陳雪箏崔子羽焦燕如李十一西院四人李燕容屈

慧若屈文若柳五本司五人陳桂王壽段素如王燕如

郭狄前門十二人田瑤生劉越西左翠馮丑馮巧孫真

真田文舒劉宛宛董雙成吳文玉王良張六梅史者浙

沈水部託名也聞京師伎女以王雪簫爲最而薛素素

才技過之

東院在總舖衙東城畔昔時歌舞地今寥寥數家如

村舍兼之人掘土爲坑壑從寒煙衰草中想走

馬

子樹石楚楚今并無存矣

東院之東舊有方家園廢建淨業庵於其址殿左廡



有鎮陽林潮書許魯齋先生演千字文以萬曆十一年  
八月刻石嵌于壁其文曰太極之前此道獨立道生太  
極函三爲一一氣既分天地定位萬物之靈惟人爲貴  
太古結繩民醇而愚茹毛飲血穴處巢居伏羲畫卦始  
造書契神農黃帝三皇繼治五帝少昊高陽高辛堯舜  
揖讓傳中以心曆數在禹夏承虞禪謳歌歸子啓與扈  
戰太康遊畋羿距於河仲康失權肩征羲和一成之旅  
少康中興桀虐百姓天道禍盈應天順人殷湯革命成  
有一德伊尹元聖太甲放桐盤庚遷都武丁中興又終  
獨夫文王事殷明夷蒙難武發開周首訪洪範成康持  
守周召夾輔穆正訓行宣王復古幽惑褒氏大戎所戕  
平王東轍國風遂降虛器尊周五白馳騁孔聖春秋爰

始魯隱七國爭雄蘇張縱橫孟軻仁義卒老於行孝公  
強秦鞅變井田赧朝昭襄周祚以遷并吞六國始遷沛  
狙罷侯置守焚書坑儒阿房長城賦役虐民二世子嬰  
陳吳亡秦項起西楚劉興沛中項殺義帝劉從董公轉  
戰五年資謀三傑灌嬰垓下始定漢業高帝忘功誅醜  
械繫溺愛戚姬欲立如意良詔四皓幼惠遂定呂雉乳  
晨房闈出政陸賈計行平勃交驩祿產就誅劉氏乃安  
文帝恭儉詔半爲農景帝遵業淳厚民風武承富庶始  
建年號窮兵雪耻末年減耗立昭繼武功歸霍光孝宣  
中興道維霸王元成哀平權移女黨張禹佞諛乃生王  
莽十有四年亂生新室更始劉盆王尋王邑光武中興  
羣盜乃滅寇鄧元勳耿賈烈天下平定進用文吏送



全功仁封縣數四德優嚴陵占動太史二百年間名節  
奮起明帝苛察章帝寬厚和誅竇憲殤終襁幼安雖享  
御權歸外戚北鄉弗永順淪嬖習冲劣質聰獄於跋扈  
桓誅梁冀陳李黨錮靈委宦孽黃巾嘯聚進呂董卓獻  
終漢緒曹丕稱魏劉備興蜀權流吳三國鼎足混于  
西晉都于洛陽武惠懷愍劉所亡元帝南渡一馬化  
龍建康再振爲晉之東明成穆哀廢簡帝武安僞楚  
恭遜劉裕東晉之弊起于淨詔前談之極五胡亂華宋  
齊梁陳元魏東西南北瓜分後周併齊隋文混一始盛  
開皇煬帝窮奢恭帝暉唐唐之興太宗之謀閭門斷  
德責以春秋田以租調兵以府衛七百餘員首定官制  
貞觀仁義髣髴三代本根不正隨亦闕壞再傳高宗已

仁傑孰引東之中宗復辟嗣興高后睿遜玄宗以功授  
受開元太平天寶昏亂貴妃內惑祿山外叛肅宗卽位  
大分安在中興有頌功不贖罪代宗中材德宗猜忌奉  
天所倚陸贄仁義順在東宮陰賜天下憲任裘度平淮  
有難借其晚年禍生不測穆敬昏庸不能討賊文宗銳  
意大和清明僅殺弘志莫正典刑輕用訓詁禍成甘露  
武用德裕遂平澤潞宣宗寬恩唐治以衰懿僖昭哀遂  
不可支唐患非一用黨閹寺藩鎮強大宣武篡弒朱梁  
李唐至于石晉劉漢郭周是爲五閩錢馬高揚承襲割  
據李王孟劉各復僭僞兵變陳橋宋祖卽位尅平中夏  
以國傳弟九葉中衰江左六裔遼金據華亦各九世天



睿地顧篤與我元四海會同本枝萬年稽古提綱維此  
千言按耶律祭酒有尙爲先生作考歲略述先生所著  
存小學大義讀易私言孟子標題又有四箴說中庸說  
講雜出于衆手而獨不及此篇故具載之 析津日記  
思城坊五牌二十一舖有忠義前衛燕山右衛蕃牧所  
東城兵馬司百萬倉老君堂延福宮水月寺 五城坊巷

衛衛集

大慈延福宮延壽觀俱在思城坊有勅建碑 順天府志  
京師寅賓里有無量壽庵者居士屠君所建也君名文  
正山陽人事其親至孝至元元年大兵驅至開平日夕  
思念其母南望悲泣因禮佛絕葷酒十有一年還至大  
都師事華菴滿禪師于慶壽寺滿號之曰居士時宋已

居士躡躡號慟若不欲生二十一年出已貲七百貫買  
地十畝于太廟之西作無量壽庵樹佛殿四楹屋宇像  
設無不具足浚井治圃手植嘉木二十七年四月七日  
沐浴更衣書頌俄有白虹從西南下垂庵中廣數丈如  
飛橋微雨灑道居士跣趺而逝葬諸太史莊之阡皇慶  
二年遇災菴燬子覺與哀金于好施者復謀營建未幾  
規制悉還其舊 苑學集

按元時太廟門外馳道抵齊化門之通衢無  
量庵在太廟之西昔之寅賓里當在今之思  
城坊也

南居賢坊六牌三十六舖有海運倉永豐觀洞陽觀正

日下舊聞

卷十二

三



慧照寺 五城坊巷衛衛集

張居正勅建承恩寺碑皇帝命司禮監太監馮保買

地于都城吳隅居賢坊故太監王成住宅特建梵刹

外為山門天王殿左右列鐘鼓樓中為大雄寶殿兩

廡為伽藍祖師殿後為大士殿左右庫房禪堂方丈

香積僧房凡九十五寺成官僧人志善為僧錄司左

善世以住持之而賜名曰承恩工始于萬曆甲戌告

成于乙亥太岳集

靈藏寺舊名觀音寺正統十一年重修天順元年改今

名明一統志

照寺福安寺正覺寺俱有勅建碑順天府志

重熙清寧間築義井精舍于開陽門之郭傍有古井

新京清寧因以名焉金天德三年京城仍開陽之

名焉其望大定中僧善祖營寺朝廷嘉之賜額大覺貞

新初天兵南伐兵火之餘寺舍悉為居民有之戊子春

差劉從立與其僚佐高從遇輩請與公和尚為國焚

營因率律為禪與公盛常住之所有續換寮舍瑞像殿

之前無垢淨光佛舍利塔在焉幾什至是完葺繼有提

督元者施蔬圃一區于寺之南以給眾用庚寅冬劉

公以狀聞朝廷請以招提院所貯餘金一藏遷于本寺

安置許之於是創建壁藏斗帳龍龕一週凡二十架飾

之以金箔之以彩計所費之直白金百笏既成請湛然

居士為記湛然居士集

萬松老人住持大覺寺榜其齋曰昨夢同上



北居賢坊五牌二十八舖有濟陽衛大寧衛燕山右衛  
義勇左衛北新倉大軍倉五岳觀元寧觀報恩寺栢林  
寺金太監寺五城坊巷衛衛軍

正統十年五月以在京居賢崇教二坊草場築倉收糧

五岳觀宣德元年建皇宇通志

報恩寺天順元年更名昭寧寺大學士李賢撰碑析津

洪武元年八月大兵定燕都危學士素走報恩寺俯身  
入井寺僧大梓挽出之謂曰國史非公莫知公死是死  
國之史也危由是不死翰林待制黃殷士啤投居賢坊  
井中從人張午負以出曰君小臣而死社稷耶黃曰齊

太史兄弟皆死小官彼何人哉午使家人環守至日晏  
會大將軍徐達下令勝國之臣俱輸告身黃給午取告  
身午出還求勿得亟往視井則黃已死午買棺以斂且

宮堊焉 節冬序錄

栢林寺在國子監之東有夏景金湜包琪潘脂陳政楊  
煥孟陽司馬恂于此分韻賦詩寺僧彙而成冊朱之蕃  
跋其尾都志

萬善寺在北居賢坊有勅建碑順天府志

舒分東城公署記御史之巡視東城者舊有分署在  
南倉之為堂三門後為寢三間左右廂成一  
間其正回為塔庭亦偏側其門在西南隅西向書號  
大然湫隘御史多弗居之遂頽廢歷茲年所曾無





改作之者以京朝官私署欲近朝多卜于西城是特  
爲休舍而巡視者且歲易爾甲申楊君惟賢職是城  
乃大營心以每日則有內外八坊人民囂囂之所  
當營水陸商販竹木之所當譏軍民捕邏奸匿之所  
當詰每月則有七十二衛官軍俸糧之所當給每歲  
一則有東西四百萬石糧運及漕吏漕卒幾千萬人之  
所當稽糾蓋公移私牒日不啻千人俾就西城次且  
僕何則近者十餘里遠者四十餘里計其往廻則尤  
遠者日奔走百里寒而家暑而賜風雨饑罷之侵凌  
人大不堪顧分署不可居簿書無所貯欲棠蔭而使  
之而卷衙阨塞不可結馴矧日萃千百人以下命令  
爲非所以尊禮肅風紀也乃因舊址增修墻廡爲

私署以居家人干其右買民地若干步建正堂三間  
爲公署堂之前爲墻其庭除縱廣若干步可置一旅  
其左爲廂房三間以貯簿書以寓府史廡之南爲小  
門一間以入私署其右稍卻爲門屋五間中一間稍  
高爲正門西向兩掖爲屬吏候館垣于外而反向除  
焉以遠市誼以屬耳目掖之北爲小屋三間以休輿  
皂挾日工告成事會之則凡地之費若干木石之費  
若干梓匠陶瓦之費若干然非取諸民也諸城舊設  
修司戶楊君惟賢不他役之耳故甘心焉子來而木  
石之有不足則內總督太監某戶部監督主事某又  
稽諸修倉羨材以贊成之美輪美奐其可以稱察院  
哉旣而楊君欲以此意告夫來者來問記予以是役



也固以見惟賢舉措不苟之一端然勞一身以逸千

梓露集

萬人亦今之賢者所惜也宜特記之

曹履吉重修京糧廳碑國家歲漕東南四百萬粟以

實京邊特於戶部左右曹外別領以總督號曰後部

而以倉部郎隸之倉部舊署稱東官廳嗣以通州截

漕歲五之一就邊軍使置通糧廳而東官廳改稱京

糧廳總京倉五十有二分六司屬監督焉廳寢室南

博望山

向堂東向額曰成裕東北築臺內有藏書室

人臨

寰宇通志

寶馨寺在城內東元建永樂十年

園亭之在東城者曰梁氏園曰楊舍人沁園曰張氏陸

氏曰恭順侯吳國華為園曰英國公張園成國公適景

園後歸武清侯李日萬駙馬曲水園曰冉駙馬宜園

園長仇鸞所築鸞收歸成國公後歸于冉燕都遊覽志

薛蕙宴故英國公山亭即文皇帝賜第一首東第君

王賜西園賓客來將軍原好士公子復憐才玉袖花

間出金尊竹下開還須明月上莫畏夕陽催西原集

日下舊聞卷十二終



日下舊聞卷十二補遺

城市三 東城

國朝鄉試直隸取百名加國學三十名又雜行五名不拘僧道官吏各省來者皆可中之故曹鼐以典史解糧赴京中北直隸鄉試而廷試為狀元今雜行無中者矣  
耳譚

翰林凡武舉徹簾後同考官及掌卷官置酒請主考官主考答席順天鄉試後兩京北置酒請主考監試主考監試亦答席會試同考官于徹簾後醵金為會掌科主辦其兩京鄉試事畢四主考合請衙門前後輩謂之醵頭會  
村公見聞錄

宋真宗時司天冬官正韓顯符造銅候儀本李淳風遺



法嗣後沈括蘇頌等造儀象浮漏亦臻奇巧自靖康之亂儀象之器盡歸于金元都燕其初襲用金舊而規環不協難復施行太史令郭守敬盡考其失創作諸儀從古儀象測驗之精無能出其右者至今簡儀仰儀圭表影符等器在觀象臺古今律曆考

揭傒斯銅儀詩法象坤儀重來從汴水遷飛龍纏四極黃道界中天望絕秋毫末循太古前荒臺明月

夜應有淚潺湲 秋宵集

京師東院木司諸伎近無佳者世金吾宅後有薛五素素姿度妍雅能書作黃庭小楷尤工蘭竹下筆迅掃各具意態又善馳馬挾彈能以兩彈丸先後發使後彈擊前彈碎于空中又置一彈于地以左手持弓向後以

右手從背上反引其弓以擊地下之彈百不失一也甲

七翻言

弘治癸丑五月明時坊白晝有一人巡警舖久不出管舖者疑之推戶入視但見衣一壁下衣旁各有積血而不見其人菽園雜紀

高工部道素初名斗光萬曆丙辰公車入都乞夢于泡子河呂公堂夢黃冠告之曰君與高斗光同年答曰是吾名也黃冠曰君乃是高道素寤而異之遂更名後三年己未榜發中第三十六名其同榜第九十名爲高斗光山東嘉祥人也閩史類

成化丙戌進士三百五十二人豐城羅公倫以建言出爲市泊提舉蘭溪章公懋蒲丘黃公仲昭江浦莊公臬



以諫燈市獲罪謫外越十年在京師者百人會于報恩寺華亭張公弼作同年會誠載東海集中寺於天順元年更名昭寧矣而張公文猶循其舊稱也蘇丘雜抄元于大都腹裏設稅務七十三處其在京城者猪羊市牛驢市馬市果木市煤木所有宜課提舉司領之利網雖密然自酒醋而外若魚蝦藥果之屬以及書畫棗席草鞵篠帚輓瓦柴炭諸色燈銅鐵綾麻縵苧綿草索麵貨皆為不合稅之物比于明崇文門稅課條目疎矣稼

堂雜抄宋解試諸路並以八月五日鎖院而福建則用七月川廣則用六月以道遠故也南渡後闔廣改同諸路試期紹興二十四年有詔太學及諸路並以中秋日引試惟

四川則用三月十五日焉元鄉試以八月二十日二十三日二十六日明改從八月九日廿二日十五日元會試以二月一日三日五日明改從二月九日十二日十五日元御試三月七日明改從三月十五日蓋歷代鎖之為期不同如是至于試士之地源或于竹林寺或憫忠寺定所元則試于南宮明之貢院即元之禮部舊署也者四百年矣雅坪散錄

大慈延福宮在思城坊成化十七年建以奉天地水府三元之神有弘治十七年勅刻于石寄園寄所寄錄隆慶元年清明日京師甚和暖晚間風雪交作寒冽異常次日九門報城外凍死者一百七十人崇文門下乘轎婦人母子俱死轎中轎夫亦死轎下成菴漫筆



北京栢林寺一僧言有某山東二舉人會試入京從寺僧假寓僧拒不可強之至夜主僕四人同臥一室二舉人一醉一醒更深忽遍聞醒者見黑漢七人跳入將醉者昇至床下二僕皆作魘語天將明仍一一跳出窗外醒者呼醉者語之故荅曰吾亦知之但口欲叫不能出聲耳於是起就僧借鋤從牕外掘之得鐵鍋大小七隻急擊碎之鑄成香鑪至今存焉暖殊由筆

王氏耳談謂直隸鄉試額取百名外國學三十名雜行五名故曹鼐以典史解糧赴京得中鄉試而廷試爲狀元今雜行無中者矣按曹文忠以永樂癸卯中順天鄉試本由諸生宣德初授代州學正上書願得劇職自效改江西泰和縣典史督工匠赴京乞與會試遂中癸丑

榜第二人廷試第一王氏謂以典史中鄉試誤也至文忠第後雜行中式者不乏景泰癸酉吾鄉呂文懿公原典順天鄉試中式者二百五十人內翰林院譯字官一人吏部聽選官一人戶部書算一人禮部儒士十人刑部都吏一人工部承差一人太醫院醫士四人武生一人衛令史一人衛史一人衛舍人一人軍餘九人軍一人雜行中者凡三十五人焉載考國子監歷科進士題名碑正統壬戌則有長樂李森都察院吏也樂清南昱刑部吏也豐城鄭溫松陵驛丞也戊辰則有奉化舒廷謨禮部辦事官也潛山汪甫燕山衛小旗也景泰甲戌則有潛山吳楨錦衣衛譯字官也天順癸未則有巴縣劉淳翰林院譯字官也嘉定馬愈欽天監天文生也成



化戊戌則有瀘州譚溥山東舊縣驛丞也甲辰則有宣  
城張綸富峪衛總旗也寧遠王璠岷州衛吏也蓋自是  
而後雜行中式者乃鮮矣 薊丘雜抄

北闈考試官出東長安門乘輿詣順天府宴宴罷入闈  
比撤棘仍騎馬歸闈中略做會試體用中書官寫白紙  
題卷入大竹筒加小銅鎖外用黃絹裝裹且香案拜府  
丞鼓樂接出進呈 官夢錄

日下舊聞卷十三

城市四 西城

阜財坊四牌二十鋪過象房橋有王恭厥燕山左衛真  
如寺承恩寺圓洪寺保安寺望鄉臺 五城坊巷飭飭集  
象房在宣武門西城牆北每歲六月初伏官校用旗鼓  
迎象出宣武門濠內洗濯 長安客話

象初至京先於射所演習故謂之演象所而錦衣衛自  
有馴象所專管象奴及象隻特命錦衣指揮一員提督  
之凡大朝會役象甚多駕輦馱寶皆用之若常朝則止  
用六隻耳所受祿秩俱視武弁有等差其在象房人有  
入觀者能以鼻作聲栗銅鼓聲觀者持錢畀象奴如教  
獻技又必斜睨象奴受錢滿數而後昂鼻俯首嗚嗚出



聲將病耳中先有油出名曰山性發則預以巨繩縻之管象房緹帥申報兵部上疏得旨始命再驗發光寺距其斃已旬餘穢塞通衢過者避道大庖何嘗需錢幣京師彌文大抵皆然也

野獲編

今朝廷午門立仗及乘輿鹵簿皆用象不獨取以壯以其性亦馴警不類它獸也象以先後為序皆有位食雖而料每朝則立午門之左右駕未出時縱遊齒及鐘鳴鞭響則肅然翼侍俟百官入畢則以鼻相交立無一人敢越而進矣朝畢則復如常有疾不能立則象奴牽詣他象之所而求代行而後他象肯行不終不往也有過或傷人則宜勅殺之二象以鼻殺其蹄地杖畢始起謝恩一人意或貶秩則立仗必

貶之位不敢仍常立甚可怪也六月則浴而交之交以水中雌仰面浮合如人焉蓋自三代之時已有之而晉唐業教之舞及駕乘輿矣此物質既麤笨形亦不典而靈異乃爾人之不如物者多矣

露書

象入北土從不生育近年京師象房生一象人以未見其交而孕為異閱曲靖程兵備于周客滇偶筆乃知象孕十一載乃生來滇始足十二載耳

雲谷野餘

獸之蠢者莫甚于象然其性警立仗有疾則詣他象求警入朝遲誤則伏而受箠有罪貶降則退立所貶之伍不敢復居故班行止舉動一受象奴之意旨物之最靈又莫象若也許氏說文謂象三歲一乳而段氏酉陽雜俎則謂象孕子五歲始生程氏客滇偶筆則云孕十



有二載乃生其說各異程氏又言象必擇人跡不到處  
交感鄭氏亦雅則言象交于水卷樹葉蓋之見人則羞  
必起逐之今京師洗象觀者且千人相傳洗時必交于  
水殆不然也

兩京求舊錄

真如寺北向以其背象房而立也寺南松檜榆槐森遶  
皆象房樹寺在元季爲定力院南向今之象房是其山  
門蓋象房初設于報國寺古松之畔以隔城致羈赴闕  
乃割定力院爲駐象所

燕都游覽志

天啟丙寅五月六日王恭廠忽震裂響若轟雷平地陷  
二坑約長三十步濶十三五步深二丈許是日京師婦  
女凡肩輿出行者皆於輿中自去其衣衣若有物攝之  
從空飛去墮昌平州

雪廬叢餘藁

王恭廠震日石駙馬街有石獅重五千觔飛出順城門

外頌天臚筆

王恭廠署在都城之西南隅天啟五年六月忽大震拔  
大樹二十餘株根在上而稍在下近廠房屋傾倒木在  
上而瓦在下殺數千人乃改卜于西直門街北建廠熹

廟賜名曰安民

燕史

天啟六年五月朔人或見都城隍廟唱名厚載門火神  
廟紅毡滾出次前門城樓角有數千螢火忽併合如車  
輪至初六日巳時王恭廠災震所作乾清宮御案皆碎  
建極殿飛瓦殺人御史何廷樞潘雲翼被震死全家覆  
入土中自順城門大街北至刑部街盡爲齏粉有女人  
衣飾盡而身存其同伴頭去比肩無恙有從空墜人頭



及鬚髮耳鼻大木遠落密雲石獅擲出城外衣服挂于  
西山樹杪銀錢器皿飄至昌平閱武場中崇禎十一年  
六月二日安民廠又災貼廠太監王甫局官張之秀俱  
斃八月復災綴寇紀畧

承恩律寺在都城西南隅寺趾卽古雪堂爲戒壇下院  
憲宗純皇帝勅賜知幻禪師以戒律開山至王恭廠火  
變之後益就傾圮燕都游覽志

吉祥寺在城內西元泰定間建寰宇通志

寺在城西南隅萬曆丙午重修改名石鐙菴翰林黃輝  
陶望齡集縉紳於此放生其後林增志踵行之尤盛春  
明夢餘錄

石鐙菴在承恩寺之右迨王恭廠火變菴亦灰燼矣燕

都游覽志

菴舊名吉祥萬曆丙午西吳僧真程自雲棲來居發古  
甃下得石幢一式如鐙臺傍鐫般若心經一部唐廣德  
二年少府裴監施朝請郎趙偃書黃儀部汝亨過其地  
以菴甫治而鐙適出遂手書額稱石鐙菴焉帝京景物  
畧

陶崇政石鐙菴碑畧次南師杖錫北游于都城之西  
南隅菴曰吉祥者以居焉發古甃下得石幢一枚如  
鐙臺式傍鐫般若心經宛如聖教序唐代宗時成紀  
郡夫人敬造若爲度生施食用者燕都游覽志

朱啟明石鐙菴記次南上人癸卯歲飛錫京師駐菴  
名吉祥剪除叢莽掘地得石鐙柱一座柱刻心經一



卷係廣德二年少府裴監所施乃以名菴長安可游

正德八年四月令大興宛平二縣撥佃戶二十於護國保安寺以供灑掃武宗實錄

是時上誦習番經崇尚其教常被服如番僧演法內殿保安寺大德法王綽吉我些兒出入豹房與諸權貴雜處同上

嘉靖二年五月以江彬錢寧入官房及故保安寺改爲燕山府軍等衛凡十五所世宗實錄

刑部在皇城西與都察院大理寺並列爲三法司春明夢餘錄

刑部福建司軒曰甘露貫溪江以潮爲郎時甘露降于

軒作記刻碑碑僅三尺萬曆庚子四明馮若愚移碑

軒前壁中耳談

嘉靖間李攀龍王世貞徐中行輩俱官西曹聚論詩

建白雲樓于四川司中榜諸君詩李詩警句云諸山城上出落日署中寒時人目刑部爲外翰林客燕雜記

國初比部之制分爲十二其雲南隸陝西部永樂間安南內屬置交趾司又析雲南四川之交爲貴州置貴州司方定都之初百務草創率皆權寓蒞事今城隍廟西惜薪司俗呼舊刑部是也彭惠安公集

彭惠安部在刑部司舊有五顯廟公命碎其像易以清獻趙公神主西園聞見錄

明旨宗刑部箴聖人制刑輔治弼教掌邦之禁惟仁



之蹈咨爾刑部卿佐暨屬惟公乃明惟明能燭匪廉  
 弗公勉篤于行惟敬惟慎毋忘哀矜死獄求生何昔  
 之德移情就律何今之刻深文巧詆實民之賊如鑑  
 如衡刑乃弗忒毒威以逞下情鬱埋私意以行枉直  
 失真司命之寄豪絲罔僻罪疑惟輕庶鮮冤抑天不  
 可違民不可罔斷不可續應則如響往體予仁欽哉  
 勿渝庶幾祥刑有永令察官箴

都察院在皇城西

春明夢餘錄

御史差委在內則京畿道劄卷及巡視京營提學巡倉  
 巡庫巡視光祿清恤鹽課在外則巡按清軍劄卷巡鹽  
 巡河巡關巡茶印馬屯田遇有征行則特遣監軍紀功  
西垣筆記

明宣宗都察院箴歷代建官皆有御史任之耳目委  
 以綱紀糾違繩愆激濁揚清用獻嘉言惟直與明祖  
 宗之制有長有貳其下之屬凡十有四敷達民隱舉  
 察官邪必究大體毋尅毋頗必由中道毋過不及毋  
 以賄遷毋以勢懾敦仁之存篤義之行冰霜之清松  
 柏之貞凡爾憲臣敬慎以勗庶幾朝政資爾以肅姦  
 姍緘默徒取充位職是用弛國則何賴必端諸心必  
 修諸已庶懋爾績庶輔予理官箴  
 徐階京畿道題名記御史以監察為職出入中外激  
 揚刺舉無避大吏京畿道又在十三道之右為特置  
 焉說者謂始以僉都御史領之後乃易以御史之久  
 次者然其沿革不見於會典而今兩京畿道印其一



有文曰洪熙元年造則其領以御史也久矣豈僉都御史之設乃洪武永樂間事而御史其定制歟嘉靖丙午今中丞王君某以御史視道事值署舍爲兩所圯修復之既而稽前之蒞茲道者其姓名往往不存喟然慨文獻之湮沒也於是卽所聞見扁之署中而請予記其後御史党君某今廷尉魏君某張君某太僕駟君某御史邢君某繼至遂相與勒石題名以申前請予惟國朝建立諸司條理品式燦然備具而又于文案嚴照刷之條重埋沒違枉規避之罰期以杜吏欺飭法守故笏省必命御史董之而是道之設則又居京師重地凡六曹五府暨百司庶正文案之照刷咸屬焉故其文移之體視諸道有加益重其在俾

得行其法也及其久也吏旣視以爲常而御史間亦習于姑息送刷者舉其一或遺其二照刷者詳于細或畧于大而當時建署設官之良法美意且將爲彌文故事日以墜失則前此姓名之不存復何怪哉今諸君精明剛毅咸克舉其職而肆其餘力搜羅前人列之貞石將俾來者指其名第其政予以審淑慝之辨其慮遠矣然予又聞今世文人學士往往重史籍而于文卷則詆爲鄙俗至却去不欲觀夫文卷視史籍雖其文不同然而國之故實與大賢人君子經世佐時之具民生政治休戚興替之由舉於是在其有資於見聞政理宜無不同而輕重之若是其異是大惑也嗚呼士誠知文卷之不可鄙則其從事於照刷



有不思盡其心以舉其職者乎

大理寺在都察院南

春明夢餘錄

內官同法司錄囚始于正統六年凡大審錄內監奉旨出則齋勅張黃益騎導於大理寺為三尺壇中坐尚書都察院大理寺以次左右列坐御史郎中下捧牘立唯諾趨走惟謹三法司視成案有所出入若輕重俱目視太監意人監意所不欲不敢忤也內監經奉命審錄者死則於墓寢畫壁南而坐旁列法司及御史刑部郎引囚鞠躬聽命狀悉圖之示後世為榮觀焉

明刑法志

明宣宗大理寺箴有虞用士燭教明刑秦漢相繼廷尉是稱命曰大理由景之世暨于今茲一以輔治列之九卿有翼有承鑑空衡平視獄之成簡于五辟以

正刑罰維過斯宥維義之合刑不可贖死不可生惟爾是憑其可不矜易簡明慎書戒欽恤祇率勿違乃德之吉惟官惟反惟貨惟來終迷不復乃禍之階粵昔蘇公式敬由獄以長王國永命攸屬嗚呼若人悠悠我思爾儀爾規服此戒辭

官箴

舍飯蠟燭寺口給貧人粟米病者有醫死者與棺

五城坊巷

坊巷

唐時禁京城丐者分置病坊于諸寺以廩之亦謂之悲

田院即今蠟燭幡竿二寺也

穀城山房筆塵

咸宜坊二牌十舖有大小石佛寺能仁寺通妙宅顯靈

宮

五城坊巷

金元間有僧自稱萬松野老居燕京從容菴耶律楚材



見之叅學三年僧以湛然居士目之今乾石橋之北有  
甄塔七級高丈五尺草生其頂有石額曰萬松老人塔  
帝京景物畧

萬松老人耶律文正王之師也其語文正王曰以儒治  
國以佛治心王亟稱之謂雲門之宗悟者得之於紫峭  
迷者失之識情臨濟之宗明者得之于峻拔昧者失之  
鹵莽曹洞之宗智者得之于絲密愚者失之廉纖獨萬  
松老人全曹洞之血脈其雲門之善巧備臨濟之機鋒  
誠宗門之大匠四海之所式範其傾心至矣老人有萬  
壽語錄釋氏新聞又善撫琴嘗從文正王索琴王以承  
華殿春雷及種玉翁悲風譜贈之見湛然居士集且作  
詩寄老人有一曲悲風對譜傳之句又嘗寄孔雀便面

附以詩云風流彩扇出西州寄與白蓮老社頭遮日招  
風都不礙休從侍者索犀牛傳之法門亦佳話也潒水亭雜識

至元十五年命承旨和禮彞孫寫太祖御容十六年復  
命寫太上皇御容與太宗舊御容俱置翰林院院官春  
秋致祭泰定四年造影堂于石佛寺未及遷後至元之  
六年翰林院言三朝御容祭所甚隘兼歲久屋漏于石  
佛寺新影堂奉安爲宜中書省臣奏此世祖定制當仍  
其舊報可元史祭祀志

至治元年正月帝詣石佛寺以其墻垣踈壞命副樞木  
溫台僉院阿散領圍宿士卒以備巡邏元史兵志  
元統元年正月立司禪監奉太祖太宗睿宗三朝御容



于石佛元史順帝紀

大能仁寺洪熙元年因舊重修明一統志

大德顯靈宮在皇城西永樂時建成化中更拓其制又

建彌羅閣嘉靖中復建吳極通明殿東輔薩君殿曰昭

德西弼王帥殿曰保真西殿有柏為雷所擊其枝委地

如屏春明夢餘錄

按道家之言崇恩真君姓薩氏諱守堅西蜀人在宋徽

宗時嘗從虛靖天帥張繼先及林靈素傳學道法而降

恩君則玉樞火府天將王靈官也嘗從薩真君傳授

符法永樂中杭州道士周思得以靈官之法顯于京師

附體降神禱之有應乃於禁城之西建天將廟及祖師

殿宣德中改為火德觀封薩真人為崇恩真君王靈官

又建一殿崇奉二真君左曰崇恩殿右曰

恩殿成化初改觀為宮加顯靈二字每歲萬壽節正

冬至及二真君示現日皆遣官致祭崇奉可謂至矣

谿漫藁

靖三年月龍虎殿于顯靈宮以奉元武大政記

明壬辰命禮部尚書夏言撰顯靈宮碑中書舍人

亨書丹亨夢縞衣者告之曰方以類聚物以羣分既

覺家僮報有鳥集于其家之庭院揮之不去其日上嘉

其書法令附名于碑并賜羊酒果饌四友亭集

永樂間有周思得者以王元帥法顯京師元帥世稱靈

官天將二十六居第一位文皇禱輒應乃命祀神于宮

城西宣德初拓其祠宇署額曰大德顯靈宮後有東西



世傳靈官藤像文皇獲之東海崇禮朝夕對如賓客所  
征必載及金河川昇不可動問之曰上帝有界止此也  
帝京景物畧

顯靈宮道士韓承義工蹴鞠肩背膺腹皆可代足兼應  
勤敵皆給自弄可使踟繞身終日不墮 燕山叢錄

何景明過顯靈宮詩不到元宮久桃源更此行行知  
瑤水近坐望赤霄平洞草秋先長壇雲晝自生雙雙

玉簫發風引度仙城 大復山房集

李惟寅集顯靈宮作先帝祈靈太乙祠重來空憶翠  
華旗殿中香火儀猶具海上仙人事轉疑客與方書  
間指畫 律舊心思調高身健漸特董高閣憑

欄眼故遲 貝葉齋稿

馮琦登顯靈宮閣作極目長官雁影南千峯當檻落  
晴嵐清秋斜日窺金象古木寒雲鎖石龕地迥樓臺  
三島接天低烟樹萬家舍虛疑縹緲縹山頂時有簫  
聲駐鶴駭 北海集

正德十一年十一月刑科給事中齊之鸞上言邇者京  
師西角頭新設花酒店房或云車駕將幸其間或云朝  
廷賞收其利陛下為天地民物之主四海之富孰非其  
有乃至競錐刀之利于倡優之館乎請亟罷之不報 武宗實錄

鳴玉坊三牌一十四舖有神武後衛燕山衛淨妙菴古  
燈菴寶禪寺普度寺響鈴寺 五城坊巷衛衛集



帝王廟在西四牌樓大街之西南向嘉靖間建祀三皇五帝三王漢高祖光武唐太宗宋太祖元世祖其中而兩廡祀歷代名臣

燕都游覽志

嘉靖十年三月歷代帝王廟成先是中允廖道南請撤靈濟宮神改設帝王廟禮部以所在窄隘宜擇地別建於是工部相度阜成門內保安寺故址舊為官地改置神武後衛地勢整潔且通西壇可鼎新之詔可遣工部侍郎錢如京督工工完上親詣廟祭

國朝典彙

帝王廟殿名景德崇聖之殿東西兩廡南砌二燎爐殿後為祭器庫前為景德門門外東為神庫神厨幸牲亭鐘樓又前為廟街門東西二坊曰景德立下馬牌

春明

夢餘錄

太祖洪武六年建帝王廟于金陵七年始設塑像未幾過火又建于鷄鳴山之陽及文皇都燕未遑設帝王廟僅于郊壇附祭至嘉靖十年始為位于文華殿而祭之其年中允廖道南請撤靈濟宮二徐真君改設歷代帝王神位及歷代名臣上下其議于禮部時李任丘時為春卿謂徐知證知謂得罪名教固宜撤去但所在窄隘不足改設寢廟宜別擇善地上以為然令工部相地以阜城門內保安寺故址整潔且通西壇可於此置廟上從其言次年夏竣役上親臨祭今帝王廟是也是年修撰姚涑即議黜元世祖祀李任丘亦執奏以為不可而止至二十四年竟斥去識者非之則大文通迎合也廖中允疏以大慈恩寺與靈濟並稱欲廢慈恩改辟雍行



養老之禮禮臣以既有國學為至尊臨幸之地似不必更葺別所惟寺內歡喜佛相應毀棄上是之像既毀不數年而此寺鏟為鞠塲邵陶兩方士以提督靈濟等官領天下道教入銜矣在丘先已測上意故存此宮智哉

野獲編

成化二十二年冬十月復建大永昌寺先是寺建于西市已有成緒及國師繼曉以星變被譴寺亦隨廢至是太監梁芳請更擇地建之乃令工部左侍郎杜謙等相度地基得故廣平侯袁瑄宅時瑄家已失侯瑄妻固請以宅獻而託芳請襲侯芳言于上而許之既又市其傍民居數十家大興工役視舊益加廣矣

憲宗實錄

二十三年五月以工部尚書謝一夔代杜謙督造大永

昌寺

國朝叢書

正德五年六月戶部言永昌寺舊址改建為倉未有名乃賜名曰太平倉

武宗實錄

六年十一月以太平倉賜永壽伯朱德為私第戶部尚書孫交言昔田蚡請考功地益宅漢武不許夫隙地尚不輕畀况此倉乎奏人不聽

同上

八年三月改太平倉為鎮國府又欲毀版口為府廳工部奏祖宗稽古建官府部具有定制今改倉為府有乖舊典况位屬乾方乾天門也且此地初為永昌寺再為新石敝又為太平倉屢改屢廢推之地理察之人事但未便上曰既以此地為天門宜當通達前此閉塞何以聞其以實陳狀工部再請罪乃宥之

同上



嘉靖元年五月改鎮國府仍為太平倉命總督倉場官  
管理 世宗實錄

康陵先立鎮國府後乃自封鎮國公府在鳴玉坊嘉靖  
初仍改太平倉矣都人至今猶呼西帥府衙衙也 兩京  
求舊錄

至大元年立人承華普慶寺都總管府二年改延禧監  
尋改崇祥監四年陞為崇祥院泰定四年復改為大承

華普慶寺總管府天曆元年改為崇祥總管府置普慶  
營繕提點所三年改為營繕司 元史百官志

至大四年十月賜大普慶寺金千兩銀五千兩鈔萬錠  
西錦綵緞紗羅布帛萬端田八萬畝邸舍四百間皇  
二年七月賜普慶寺益都田百七十頃 元史仁宗紀

至治元年 月 一宗神御殿于普慶寺 元史英宗紀

泰定元年四月作昭聖皇后御容殿于普慶寺八月遣  
翰林學士承旨幹赤祀太祖太宗睿宗御容于普慶寺  
元史泰定帝紀

姚燧普慶寺碑畧大承華普慶寺者皇帝為皇祖妣  
徽仁裕聖太后報德作也先是大宮塔難監龍興還  
老而無子自簿減獲數千捐牛羊馬駝蹄角亦點  
田產貨貨猶不與存盡獻之隆福宮裕聖則曰吾何  
庸斯其賜今皇上四年裕聖上仙撤是獻屋為殿三  
楹專佛妥靈以盡孝思至大元年視昔所置圖報弗  
稱乃市民居倍售之佔跨有數坊直其門為殿七楹  
後為二堂行宇屬之中是殿堂東偏仍故殿少西



甃爲塔又西冉爲塔殿與之角峙自門徂堂廡以周  
之爲僧徒居中建二樓東廡通庖井西廡通海會市  
爲列肆月收餽直寺須是資是役也未嘗發民一夫  
皆傭工爲之其費一出宮帑

牧菴集

日忠坊四牌十九舖有永泰寺廣濟寺延壽寺

五城坊

巷衢術集

弘慈廣濟寺東望西安門西接平則門帝王廟南隣乾

石橋萬松老人塔北近大街寺基二十畝

弘慈廣濟志

萬安弘慈廣濟寺碑都城內西大街北有古刹廢

址相傳爲西劉村寺景泰間人有得佛像及石龜石

柱于土中山西僧普慧與其徒圓洪輩圖興復之尚

衣監太監廖屏以賜額曰弘慈廣濟時天順丙戌

歲也 同上

萬曆癸未彭城伯張守忠惠安伯張元善重修

同上

金城坊五牌二十二舖有普照寺鐵佛寺

五城坊巷衢術集

天順元年五月勅戶部令順天府於大興宛平二縣各

設養濟院一所實錄

元世祖廟在金城坊洪武十年建 明一統志

嘉靖二十四年禮科右給事中陳棐上言國家於歷代

帝王陵寢之祭自伏羲以至宋孝宗三十五陵所祭之

處俱實有陵墓惟順天府所祭元世祖陵似權於府西

廟址掃階藉幄以畢事夫既曰祭陵而實無陵臣以爲

罷之便 春明夢餘錄

日下舊聞

卷十三

七



馬中錫謁元世祖廟作世祖祠堂帶夕曛碧苔年久  
暗碑文薊門此日瞻遺像起輦何人識故墳棹楔半  
存蒙古字陰廊尚繪伯顏軍可憐樹老無花發白晝  
鴉鳴到夜分

東田漫稿

元佑聖王靈應廟卽今都城隍廟在城西刑部街春明  
夢餘錄

天曆二年加封大都城隍神爲護國保寧王夫人爲護  
國保寧王妃

元中

金佑聖王靈應碑貞元元年許復書元佑聖王靈應碑  
至元五年任欽撰張禮書元城隍廟碑至治四年莊文  
昭書元大都城隍佑聖王廟碑泰定三年立元大都城  
隍廟碑至順二年虞集撰康里夔夔書元護國佑聖王

至正二十五年吳雲書

天下金石志

虞集大都城隍廟碑世祖聖德神功文武皇帝至元  
四年歲在丁卯以正月丁未之吉始城大都立朝廷  
宗廟社稷官府庫庾以居兆民辨方正位井井有序  
以爲子孫萬世帝王之業七年太保臣劉秉忠大都  
留守臣段貞侍儀奉御臣忽都于思禮部侍郎臣趙  
秉溫言大都城旣成宜有明神主之請立城隍神廟  
上然之命擇地建廟如其言得吉兆于城西南隅建  
城隍之廟設像而祠之封曰祐聖王以道士段志祥  
築宮其傍世守護之自內廷至于百官庶人水旱疾  
疫之禱莫不宗禮之爾來六十有餘年國家治平民  
物繁阜日盛一日而神之所依亦厚矣祀典之載所



謂有其舉之而莫之敢廢者歟廼天曆二年二月庚子皇后遣內侍傳旨中政院臣使言于上曰城隍神廟世祖皇帝時所建有禱必應烜赫彰著而廟久弊弗葺無以答神明之貺以繼世祖之意請出內帑寶鈔五萬緡以修制曰可命京尹臣賈某董之太史以諏日弗協請俟其吉九月中書叅知政事臣趙世安等奉勅封神曰護國保寧佑聖王其配曰護國保寧佑聖王妃至順二年二月癸亥以前所賜爲未足用增賜寶鈔十萬緡大修治之平章政事臣阿禮海牙工部尚書臣岩穆忽爾寔奉詔領其事且命之曰庀工而有餘資則以賜諸廟中給恒用於是工部率其屬以卽役土木瓦石金碧丹堊旣善旣足百工並作

無敢不虔未幾而告功於是有勅史臣集製文刻石以垂示無窮臣集拜手稽首而言曰聖上受命自天纂承大統武臣著功在盟府百靈相協固其宜哉聖后輔佐聖明之成功而一神之報亦不敢忘可以觀德可以致福可以示勸于臣矣於戲盛哉請系以詩曰維皇建國宅中圖大臨制萬方式表無外列雉四周壯于天垣爰立明神以保固完司空奉詔慎擇吉土作廟坤維以祀休輟相維典則有社有方羣黎萬姓罔敢褻穰維坤孔邇有堂有寢曰豫則康威怒斯凜歲時牲牢旨酒明粢無有小大士女畢來列聖清明歲行六十風氣宣通民物豐殖相爾檐楹丹堊弗新何以妥之俾佑我人臯上至仁思保赤子聖后念



之命禱靈時天高日明風塵不驚大開明堂治功告  
成有所有報伊古之道出財官府撤弊改撓山藻孔  
文既潤既安度其王封載加彌尊神來燕喜百和萃  
止導丕迓貺爲帝之祉室家祚衍福祿萬年貽及于  
民生養弗愆崇壻巖巖太山之固神永有依斯皇多  
祐禮記學古錄

都城隍廟在都城之西永樂中建中爲大威靈祠後爲  
寢廟左右爲齋兩廡爲十八司前爲闢威門門外左右  
爲鐘鼓樓又前爲順德門又前爲都城隍門春明夢餘

錄

北京都城隍廟中有石刻北平府三大字此國初舊物  
一老卒云其石長可丈六尺下有城隍廟三字既建北

平埋而露其頂儀門塑十三省城隍皆立像左一

每歲順天府官致祭湯懽小品

宣德五年六月命行在工部修北京城隍祠宣宗實錄

正統十二年十一月重建城隍廟成英宗實錄

英宗御製碑畧城隍廟在都城西南隅城完之日令  
更造焉中作正堂後爲神寢堂之前爲正門自堂左  
右至門翼以周廊如官司之職掌以案名者十二廊  
東西中特起如堂者二名左右司正堂以祠城隍之  
神而旁以居其輔相者各以序置門之外爲重門東  
西置鐘鼓樓其後各有舍以棲其守護之人蓋總爲  
屋以間計者一百九十其地以丈計者深七十一廣  
四十一有奇材出于官之素具工役于力之常供



無所預于民成不浹旬而功倍于累月孟子所謂不  
日成之或庶幾焉同上

廟市者以市于城西之都城隍廟而名也西至廟東至  
刑部街止亘三里許其市肆大畧與燈市同第每月以  
初一十五二十五開市較多燈市一日耳燕都游覽志  
京師朔望及二十五日俱于城隍廟為市郎曹入直之  
暇下馬巡行冠履相錯不禁也初四十四二十四等日  
則于東皇城之北有集謂之內市不及廟中之多也至  
每歲正月十一日起至十八日止則在東華門外進退  
極東陳設十餘里謂之燈市則視廟中又盛矣五雜俎  
城隍廟開市在貫城以西每月亦三日陳設甚夥人生  
日用所需精麤畢備羈旅之客但持阿堵入市須刻富

有完美以至畫書骨董真偽錯陳北人不能鑒別往往  
為吳儂以賤值收之其他剔紅填漆舊物自內廷闌出  
者尤為精好往時所索甚微今其價十倍矣至于瓷器  
最貴成化次則宣德杯棊之屬初不過數金予兒時尚  
不知珍重頃來京師則成窳酒杯每對至博銀百金子  
為吐舌不能下宣銅香爐所酬亦畧如之蓋皆吳中儂  
薄倡為雅談戚里與大估輩浮慕效尤瀾倒至此野獲  
編

凡燕中書肆多在大明門之右及禮部門之外及拱辰  
門之西每會試舉子則書肆列于場前每歲朝後三日  
則移于燈市朔望并下澣則徙于城隍廟中燈市極東  
城隍廟極西皆日中貿易所也燈市歲三日城隍廟月



三日至期百貨萃焉書其一也 少室山房筆叢

唐淤泥寺即今鷲峯寺鷲峯者唐僧之號也見唐人石

刻心經中寺在內城西隅中有梅檀瑞相元學士程鉅

夫記其說荒唐不足信然佛之體製衣紋踴躍欲動非

近代人所能辦 春明夢餘錄

京師梅檀佛以靈異著聞海宇王侯公相士庶婦女捐

金莊嚴以丐福利者歲無虛日故老相傳云其像四體

無所倚著人君有道則至其國國初時尚可通一綫無

礙今則不然矣 較耕錄

鷲峯寺在城西牆畔寺頗湫隘然供 其佛其口像

為紫檀木衣無縫天衣目上視手左 石頰相好端嚴

變異常造歷代以來每隨建都之地而供養之元雋梅

檀佛像于石而樹碑墀間恣人搦請 燕都游覽志

城隍廟之南有鷲峯寺梅檀佛像高五尺許色近沉碧

萬曆中慈聖太后始傳以金 帝京景物畧

京師鷲峯寺有梅檀釋迦接引像其足立處幾於交趾

一作八字衣紋多作直褶如出水衣附着股臂間面目

向上絕不似今滿月相也 見其編

劉迎梅檀像詩我昔游京師稽首禮瑞像堂堂紫金

身示現大法藏莊嚴七寶几重疊九霞帳光如百千

日晃耀不容望想初法王子運力攝諸匠壞材發神

秘妙斷出智劍風流蜀居士翰墨老彌壯雷霆大地

底音樂諸天上猶疑三十二不其梵首相不知一點

真正勝千語浪嗚呼五因緣語綺反成謗我今獨何



丁卷四  
幸相見問無恙文殊本無二何處覓真妄廣修香火  
供獲脫煩惱障天龍想驚喜訶衛日歸向已覺海潮  
音人天會方丈 山林長語

程鉅夫梅檀佛像記蓋聞道非有像作易者必擬諸  
形容法本皆空度世則鑿資于色相謂如指空爲鏡  
不若以鏡而喻空卽樹占風將使識風而忘樹是以  
雙林付囑舍利以凡聖而遍分千幅經行足跡亘古  
今而常在非炫神通于幻境實開方便于迷津所謂  
由目以會心卽心而卽佛者也按大藏功德經佛昇  
忉利天度夏三月爲母摩耶說法爾時優填王常懷  
渴仰而不得見敕彼國內巧工造佛形像禮拜供養  
毗首羯磨天化爲匠者卽白王言但我工巧世中爲

小王卽選擇香木肩自負荷持與天匠操斧 木其  
聲上徹三十三天至佛會所以佛神力聲所 處衆  
生罪垢煩惱皆得消除又觀佛三昧經佛昇忉利天  
旣久優填王不勝慕戀鑄金爲像聞佛當下以象載  
之仰候世尊猶如生佛乃遙見佛足步虛空蹈雙蓮  
花放大光明佛語像言女於來世大作佛事我滅度  
後我諸弟子付囑於女然則萬影沉江如如不異孤  
光透隙一一皆圓夫豈擇地而容蓋亦隨緣而應望  
梅林而止渴靡不同沾汎竹葉以言歸誰堪共載惟  
我聖天子道躋往聖慈等覺皇祝長樂之春秋恒依  
佛地企如來之歲月坐閻人天爰命集賢大學士李  
衍與昭文館大學士頭陀大宗師溥光等大海雲寺



住持長老某大慶壽寺住持長老智延大原教寺住  
持講主某大崇恩福元寺住持講主德謙大聖壽萬  
安寺住持都壇主德嚴大普慶寺住持講主某繙究  
毗尼經典討論瑞像源流乃有阿閣鷲鷲法筵龍象  
五千四十八卷歷劫藏心十方三世諸尊宿生摩頂  
莫不恪承淵旨同述勝因曰釋迦如來淨飯王之太  
子生於甲寅四月八日是爲成周昭王二十四年既  
生七日佛母摩耶夫人往生初利至昭王四十二年  
壬申太子十九棄位出家修道至周穆王三年癸未  
道成八年辛卯思報母恩遂升初利天爲母說法優  
填王欲見無從乃刻栴檀爲像日捷連慮有缺謬躬  
攝三十二匠升天審諦三返乃得其真既成國王臣

民奉之猶佛是年佛自初利復下人間此像躬迎低  
頭問訊佛爲摩頂授記滅度千年之後女往震旦  
廣利人天由是像居西一千二百八十五年龜茲  
六十八年涼州一十四年長安一十七年江  
七十二年淮南三百六十七年復至江南二十一年  
汴京一百七十六年北至燕京居今聖安寺瑞像來  
儀記作憫忠寺十二年又北至上京大儲慶寺二十  
年南還燕宮內殿居五十四年大元丁丑歲三月  
宮火尚書省石林公迎還至安居  
祖皇帝至元十二年乙亥遣大臣李羅等備法仗羽  
駕音伎四衆奉迎居於萬壽山仁智殿丁丑建大聖  
壽萬安寺二十六年己丑自仁智奉迎居於寺之後



殿焉元貞元年乙未成宗皇帝親臨奉供大作佛事  
計自優填造像至今奉詔纂述之歲是爲延祐三年  
丙辰二千三百有七年噫四大海中頓覺業風之息  
一彈指頃不知賢之過嘉與涵靈從茲安隱於是  
集賢大學士陳顥以述上聞有旨授臣鉅夫俾爲之  
記臣謹奉詔言曰粵自古初聖人教民報本返始而  
祭祀之禮居其一廟則木爲之主饗則孫爲之及其  
其後也乃有像設焉而不知其所從始由斯觀之其  
原於梵俗也與夫佛爲世中尊又何俟於贊然欲知  
佛之爲佛不當于其身而况於其似然苟不自其外  
而求之又將無所措其力是故佛雖多訓然往往自  
卽其身以言蓋因以卜人心進退之兆若於其

猶倦憊然急焉則其進也殆庶幾乎此佛之意也  
下考百王之度酌羣言之蘊上以尊孝下以施仁  
於厚天下者無所不用其極至于規人於善足以  
吾政教之所不逮者亦以天下之心爲心而從之  
非若彼內祠秘祝者之爲也夫以金石之悍堅猶不  
能惡其可久今以一木之爲而縣屋獨若此然則佛  
之自衛者固甚周而人之也抑豈手足之功哉于  
以見人心之仁推諸四海而準而性善之說果不誣  
矣嗟夫遡公二千年有奇至于陛下然後發德音紀  
鴻烈非緩也熙明之治至是而始隆雖典祀之外猶  
必以斯文文之也然則化之漸被者廣矣不其盛與  
記洛陽 伽藍筆多慙于董史頌西方之無量心共



祝于

徒欣聖際

雪樓集

自仁智... 迎于萬安寺之後殿百... 餘年迎于慶  
 壽寺至... 年居百二十餘年因寺回祿表闕于  
 上奉迎... 今萬曆二十... 丁酉... 十八  
 年計自... 像之歲當穆王十二年辛卯至今萬  
 曆丁酉凡... 八十餘年瑞像來儀記  
 優填王勅國出... 以牛頭梅檀作佛像形供養晨  
 夕禮拜是時波斯... 王聞優填王作佛像供養亦召巧  
 匠語以如來形體當以真金作佛像形即令紫... 詐如  
 來相亦五尺餘時閻浮提中始有二像也增益阿... 經  
 佛九十日在忉利天為母說法時優填王思佛請目犍  
 連神通攝匠人俾雕佛匠六雕得三... 二相惟釋摩梵

音像雕不得傳燈錄

淤泥禪寺心經今在京師城內西南隅鷲峯寺正書其  
 末曰大唐貞觀二十二年三月吉日建立碑曰宮官張  
 功謹敬德監造今山東河北寺院多云創自敬德或謂  
 是尉遲敬德改許敬宗所作敬德神道碑及本傳並無  
 鎮幽州事亦不當列于宮官之下也金石文字記

義利寺在城內西宣德四年建寰宇通志

王章字茂世常州武進人崇禎元年... 士歷官河南道

監察御史巡視京營甲申三月賊攻廣寧門城破遂入

守阜... 忠錄同甲申傳信錄作... 直門城復陷公

於城上遇賊奄至呼下馬公張目叱之賊槩公中股墜

馬被執問曰降否曰不降賊以刃傷其膝什地罵不絕

日下善聞

卷十三

三



口遂遇害 兩朝遺詩傳

月張園在阜城門內傍城垣下入門西柳拂地黛柏  
蒼槐深環石砌堂後枕一池甚修廣倒入屋極周遭  
菜畦今屬內都尉矣 燕都游覽志

宣家園在阜城門內舊為宣城伯衛公別業傍多宅宇  
外有菜圃百勝後屬之焦鴻臚稱其園又屬之毛戶部  
稱毛園舊有射場為習武地今 冊數種白為京

師第一先輩言 時多奇石不十 門虎曰佇  
鵠曰驚羽曰奮距今不知所之矣 同上

河漕西三牌十三舖有廣備庫阜成廠 清左  
衛北 場普度堂白塔寺祝壽寺翊教 五城坊基

白塔寺建自遼壽昌二年塔制如幢色白如銀至元八  
年加銅網石欄天顯二年改名妙應寺 春明夢餘錄

妙應寺在阜城門內寺右偏有白塔一座創自遼壽昌  
二年為釋迦佛舍利建內貯舍利戒珠二十粒香泥小  
塔二千無垢淨光等陀羅尼經五部元至元八年世祖  
發視石函銅餅香水盈滿色如玉漿舍利堅圓燦若金  
粟前二龍王跪而守護餅底獲一銅錢上鑄至元通寶  
四字帝后閱之愈加崇重即迎舍利崇飾斯塔角垂玉  
杵階布石欄簷挂華鬘身絡珠網制度之巧蓋古今所  
罕有矣 長安客話

元初童謠曰塔兒紅北人來作主人翁塔兒白南人作  
主北人客世祖時塔色燄赤及高皇帝兵起淮陽塔白



如故 帝京景物畧

至元十六年建聖壽萬安寺于京城二十五年四月萬安寺成佛像及牕壁皆金飾之凡費金五百四十兩有奇水銀二百四十觔二十六年七月幸大聖壽萬安寺置栴檀佛像命帝師及西僧作佛事坐靜二十會 元史

世祖紀

元貞元年正月壬戌以國忌卽大聖壽萬安寺飯僧七

萬 元史成宗紀

至治元年七月奉仁宗及帝御容于大聖壽萬安寺 元

史英宗紀

天曆元年十月幸大聖壽萬安寺謁世祖裕宗神御殿二年五月幸大聖壽萬安寺作佛事于世祖神御殿 元

史文宗紀

世祖帝后影堂在大聖壽萬安寺裕宗帝后亦在焉世祖影堂藏玉册十有二牒玉寶一鈕堂有真珠簾又有珊瑚樹碧甸子山之屬 元史祭祀志

至正二十八年六月甲寅大都大聖壽萬安寺災是日未時雷雨中有火自宮而下其殿脊東鰲魚口火焰出佛身上亦火起帝聞之泣下亟命百官救護惟東西二影堂神主及寶玩器物得免餘皆焚燬此寺舊名白塔自世祖以來爲百官習儀之所其殿檻欄楯一如內廷之制成宗時置世祖影堂於殿之西裕宗影堂於殿之東月遣大臣設祭 元史五行志

張翥辛未二月十三日雷火焚故宮白塔詩數聲起

日下舊聞

卷十三

三



蟄乍開雷驟落千山白雨來恐有怪龍遭電取未應  
佛塔被魔災人傳妖鳥生譌火誰覓胡僧話劫灰豈  
復神靈有遺恨冷烟殘燼滿荒臺 蛇菴集

劉基白塔寺詩物換星移事已迷重來此地惑東西  
可憐如鏡天邊月獨照城烏半夜啼 犁眉公集

天順元年改妙應寺賜額成化元年於塔座周圍輒造  
燈籠一百八座以奉佛塔相傳四方屬金故建白塔鎮  
之然同時元初有五色塔而今僅有黑塔在其後餘湮  
沒莫考已 燕都游覽志

附近有黑塔寺青塔寺然寺存而無塔 春明餘夢錄  
弘慶寺在順天府西舊名黑塔寺正統元年改建 明一統志

普安寺在西河漕西翊教寺之東有李賢董份二碑  
朔日也

正法寺寶禪寺俱在河漕西有勅建碑 順天府志

朝天宮西三牌十五舖有椒園廠菊子園官菜園西城  
草場青塔寺立一廟朝陽菴秀頭菴妙清觀 五城坊巷

朝天宮在皇城西北元之天師府也 春明夢餘錄

宣宗章皇帝倣南都之制建朝天宮于皇城西北有三  
清殿以奉上清太清玉清通明殿以奉上帝建普濟景  
治總制寶藏佑聖靖應崇真文昌元應九殿以奉諸神  
東西建具服殿以備臨幸宮成于宣德八年閏八月御  
製詩文勒碑紀事憲宗純皇帝成化十七年六月重修



亦御製詩文勒碑紀事至天啟六年六月十三殿齊災  
宮後天師府有趙孟頫張天師像贊碑大道歌碑虞集  
黃籙大醮碑帝京景物畧

凡大朝會百官先期習儀二日國初或在慶壽寺或在  
靈濟宮宣德間建朝天宮于阜城門內白塔寺西始為  
定所長安客話

李東陽詩石徑苔深步履空菊花開遍去年叢重游  
誤落秋風後舊事都消夜雨中已覺地偏非世界却  
憐身病是樊籠諸公只隔瀛洲路未遣丹丘鶴夢還  
漢麓堂稿

李夢陽詩馬上城中見雪山白雲蒼樹滿燕關蓬萊  
咫尺無人到松柏黃昏有鶴還當日翠華游物外百

年金殿鎖人間浮塵擾擾江湖遠悵望巖樓不可攀  
空同集

田一鶴詩星垂殿閣月垂枝又是千官拜舞時鳳闕  
未瞻周黼展龍宮先試漢威儀爐烟裊裊分中禁冠  
珮鏘鏘儼法舞班徹共趨庭左右載賡宣廟憲皇詩  
田鍾台集

阜城門迤北一里許為正義坊坊北數武有十方禪院  
相傳為北留菴萬曆初有大力者奪之于時五臺陸公  
捐賞首倡歸其直堂其趾畚築之餘得殘碑尺許有貞  
觀年月及北留寺記等字然後知其為唐寺也燕都游  
覽志

馬之駿詩宛在風光裏悠然水木間屢尋沿寺稍



見著城山懺佛難除懶逢僧卽共閒淹留無不可拚  
與暮鴉還何處堪消夏非山卽水鄉樹深渾欲暝花  
近反無香欲晚波難綠迎秋木漸蒼市譁原未心烟  
景乃微茫 馬仲良詩集

日下舊聞卷十三終

九廟作明堂舉大禘證社稷敦先師懷柔百神咸  
其祀屬以古先帝王之廟遠在南京其于崇享之  
闕而未備乃詔于京師立廟歲時報祀如常儀竊  
三恪之禮肇于先王八君之祀列之祭法所以欽崇  
先烈末其祀事者至矣自秦而下廢而不講者千年  
隋始制爲常祀各廟所都晉天寶間乃以羣臣議置  
三皇五帝廟各一于京師高皇帝定鼎金陵緣先王  
之意采隋唐之制立廟雞鳴山陽以三皇五帝三王  
漢唐宋及勝國創業諸主祀焉其歷代名臣自風后  
力牧而下凡三十七人各以其序配食于廟庭有司  
歲祀有隆無替車駕北徙坎壇祠廟更造並置悉如  
南都之故獨帝王之廟未有所立頃歲乃命司空度



基詹尹諏日經之營之以成茲室蒐百年之遺典成一朝之偉觀臣竊以爲茲舉也四善具焉崇德報功不闕不濫宏教也備物盡文以褒先世廣仁也同堂而食選勞而茂制也搜墜補廢弼成鉅憲至明也

有是四者不所述其奚以示來世乃再拜爲之辭

曰明明天子履仁粹道沕滴元化流淳創物垂

範登三邁五制法興王進退今古惟其有之是以似

之奕奕寢廟聿崇祀之有庭其雍有室其翼神其辰

止以享以懼介我景福佑我其延子子孫孫勿替歷

年同野集

嘉靖二十七年正月都城隍廟災詔工部重建嘉靖

日下舊聞卷十三補遺

城市四西城

王恭厥火後救出淨身男子吳二問之稱係厥中本撮

火藥人役但見颶風一道內有火光致將滿厥藥鐔燒

發同作三十餘人盡死止存一人最可異者庭樹盡拔

而無焚燎之跡藥樓飛去而陷數丈之坑庫一軍器如

神剪火木塵封時塌一萬九百三十間壓死男女五

口三十七人工部上言十忠坊有御用監外西新厥房

三所共計二百餘間甚爲寬濶是貯神器上命改爲安

民厥并發帑金一萬兩賑卹災民兩朝從信錄

高麗忠宣王五年九月王至大都十月帝下王於刑部

既而祝髮置之石佛寺高麗史世家

日下舊聞

卷十三補遺



張翥奉迎明宗冊寶至石佛寺明日入太廟清祀禮  
成賦以紀事詩寶冊香輿出法宮霏烟御路曉濛濛  
仗齊劍佩千官裏金奏簫韶九廟中宣室鬼神徵賈  
誼太常禮樂屬孫通小臣有幸逢熙事散作恩波四  
海同 蛟菴集

周思得錢唐人行靈官法先知禍福文皇帝北征召扈  
從試之不爽乃命祀靈官神於宮城西靈官藤像上獲  
之於東海朝夕崇禮所征必載及金河川昇不可動就  
思得問之曰上帝有界止此也已而果有榆川之役 列  
朝詩集

蕭端蒙京師新建帝王廟碑皇帝御寓二紀于茲明  
禮飭樂以化天下損益舊章適于中道既正二郊造

都城隍廟元碑七在殿殿後其四在左一長明燈記立  
於至正二十六年十月一立於元貞元年正月韓從政  
撰文許復書并篆額一立於至正四年九月余闕撰文  
莊文昭書一立於至正二十五年十二月童梓撰文吳  
雲書張璘篆額其三在右一立于至元五年六月任栻  
撰文張禮書其兩碑則字跡剝落不可復文殿內  
朱漆木桶二大可容水數十石有萬曆時進造浴盆及  
換水二碑蓋都中取水甚難貯此以備不虞而道士遂  
以神所沐浴謂日疾者洗之可愈用以誑人云 緇素錄  
都城隍廟有元余忠宣公碑至正四年立石文辭猥鄙  
青陽集無之非公作也 豫堂雜抄

任栻大都城隍廟碑畧京師天下之所趨奠居者無



慮百萬室是其捍災禦患以顯相生人福善禍淫以  
陰贊天道必有神焉王之國朝廟祀神于城之坤維  
爵號祀秩視外郡有加以宗社宮闕攸在示禮重也  
神絃歌曰麗予姓兮膺以純潔予盛兮看以芬桂醕  
兮瑞樽神惟德兮是歆樅節鼓我歌兮且舞白  
雲車兮霓旌神之來兮帝庭明年則讓兮毆魃與厲  
神心以懌兮報祀毋替奎章閣待書學士兼翰林侍  
講學士任杖授奉直大夫尚舍寺經歷冀州陰陽學  
正李郁言  
韓從政始聖王靈應碑序大元有天下建大都立宗  
廟安社稷懷柔百神凡在祀典者朝命通祀殷薦豐  
腆春夏不闕至元初遷都之坤方一隅命少府督工

創建城隍廟不日落成丹書盡飾壯如王者之居司  
分善惡部領山川特封祐聖王每遇朔望車馬畢集  
祈禱於神者莫之勝紀先至元二十八年七月七日  
夜文明街之右盜殺銀千戶及奴二人有司繫隣佑  
于獄考訊逾年省部委本路府推刷從仕親蒞乃事  
從仕于二十九年五月十八日引吏齋戒沐浴禱於  
王前同宿廡下是夜將半俄聞樂作遠則有近則  
無迹徐聽鏗鑰之聲殿門若開恍如神降官吏相謂  
曰今獲斯應殺人者神必知之次日就引囚徒審問  
可察兒者如神攝之自行招說殺銀千戶者  
此冤獄罪有所歸遠近聞之莫不驚嘆焉翰  
史院從事韓從政撰太常寺禮值官許復



書

童梓加封聖號頒降宣命記世祖皇帝定都於燕既城既隍爰命太保臣劉秉忠建神祠於坤維賜額曰祐聖王廟迨天曆己巳文宗勅叅知政事臣趙世安加封神曰護國保寧錫香齋及楮幣五萬緡欲葺其敞太史以用且勿足遂寢越至順辛未益賜緡十萬重飾像繪以朽易堅崇墉增級金碧丹翠燦然炳耀元統初今上皇帝入正大統治民事神式遵祖訓肇稱嚴祀詔加封曰弘仁廣惠神妃從其號至正癸卯春三月監察御史忽先米只兒海牙野里帖木兒忙哥帖木兒韓楫黃夔言比者畿甸有警雖武臣効力然全城又安詎非神之默助乎况五穀屢登疾疫弗

作理宜崇干貽章達中書丞相搠公洎郎中達理密實員外福安都事九住僉謂神之靈異爲民捍患凡有禳祈罔不孚應崇褒徽號于禮爲當遂趣下其事于春官議於奉常謂宜加封護國孚化保寧弘仁廣惠祐聖王奏聞制曰可仍頒宣命及尚醞香幣遣集賢院衆官皇姊莊靖大長公主遣亦隣真尊皇后遣資正同知朶列圖按木不花皇太子皇妃遣長慶卿五魯帖木兒咸賚香幣致祭於廟葺稚趣瞻牲醴交薦里人太史院管勾董木立延吳雲大殿額飾以泥金用彰新命先是廟祠香火日盛闔闔灑掃未有主者長春道士張志忠承詔薦葆光大師段志祥領其事遂度廟東隙地建元元殿傍爲環宇以居道流



日下舊聞 五  
俾甲乙住持以守神祠歲久提點王道從退休于西  
堂至是降璽書授守真純素明善大師張德元住持  
本宮善應元明守一大師商慎和崇元明善達妙大  
師朱德明並提點本宮事勅給五品印信前御史趙  
元僧時爲集賢都事實相成之衆復送志靜淳真大  
師楊德益爲宮門提舉兼提點宮門事成議立石以  
紀盛典復謀于本立經其費乃徵子記其實謹按祭  
法有功於民則祀之能禦大災捍大患則祀之故城  
隍之神凡天下城池皆祠焉矧國都萬乘之所居四  
方之所仰宜百靈之所呵護也朝廷重錫嘉號以報  
神賜崇信可謂至矣然神之影響在乎人之誠否靡  
間貴賤苟或不誠于中乃欲媚神以徼須臾之佑神

聰明正直寧肯顧而歆之歟書曰天道福善禍淫又  
曰作善降之百祥作不善降之百殃其神之謂矣賜  
進士出身承值郎綺源庫提舉童梓撰文承事郎太  
子司經吳雲書丹集賢大學士光祿大夫滕國公張  
綦篆額

無名氏長明燈記大都城隍廟提點道士叩門言曰  
君之友阜財里米只兒海牙以宛平縣彰義關之西  
石碑道南田地廣袤九十畝施諸護國孚化保寧弘  
仁廣惠佑聖王廟歲租之入以供長明燈今既授地  
宜刊于石碑後有所徵焉予謂城隍之祠遍天下郡  
邑然神之所以禍焉福焉者因其人善不善非以祈  
禳而得而免也世之庸夫愚婦心險行僻顧乃燃黃



酹醴屈膝頓顙以伸斯須之敬神之視之如見肺腑然寧肯享之乎善敬神者洋洋如在其上如在其左右言焉惟恐神之聽行焉惟恐神之見言行不愧於神明而有不蒙其福者乎今米只兒海牙不私其財積而能散深明夫禍盈福謙之理者也雖然施者固善矣苟司其租者不思以時致祭而唯私其藏非特施者是負而實欺神明矣其可哉米只兒海牙累官中奉大夫繕工司卿

昆田謹按許復所書碑本元成宗元貞元年立石而劉同人于司直誤以元貞爲貞元遂目曰金碑又莊文路所書碑乃至正四年立石非至治也

京師有唐人所書心三一貞觀二十二年刻石在淤

泥碑一趙偃書廣德二年刻石一大足年僧有晦建

古林金石志

漢經廠外廠聖祚隆長寺有萬曆四十五年勅碑行

國錄

弘治戊午夏京師西直門熊入城守衛者不知覺有被傷者鈞陽馬公謂野獸入城非宜乞嚴武事備盜賊何孟春謂同列曰熊之爲兆旣當備盜亦須興火未幾城內在處火災禮部燬焉或問孟春此占出何書曰宋紹興巳酉永嘉災前數日有熊自南渡至城下高世凱謂其倖趙允緝曰熊于字能火郡中宜慎火果延燒官民舍十七八偶憶此事云然不意其驗也餘序錄

日下舊聞

卷十三補遺

七



袁楠普慶寺後殿上梁文積翠凌空儼諸天之層構  
側金布地成四梵之妙緣皇帝味道圓明宅心清淨  
深植善本靈山之付囑未忘廣種福田寶所之莊嚴  
彌奐像設參前而儀殿後以雲趨一一青蓮  
層層只葉爰以棲神而亦云澄觀以集思成祇  
樹園作平等觀虹梁將舉龍象具瞻清容居十  
蒲道源白塔寺翻修正殿興工祭文紺殿重齋厨  
創構興作之始恐干神祇畚鍤方陳先事而告願祈  
陰相俾無震驚開居叢  
萬曆己未鷲峯寺僧濟舟殿誦經一士人拜扉下僧  
覩儀觀有異迎上殿士人不可僧固迎不已通  
城隍也殿有戒神叫護不改語罷不見

六巖德寶禪師生長都下受泐于玉泉明聰曆初居  
四城之柳巷人罕知者一日有梵僧來叅亞身翹袖作  
種種相師以拄杖畫字隨方荅之留作禮騰空而去弟  
子問適來僧問何泐師曰此阿羅漢西天秘密語也雲  
棲祿宏曰予嘗游京師叅笑巖柳巷敗屋數椽殘僧  
數輩而已其高致可想見今其在小西門萬曆十二  
年立塔銘雲南布政司汝芳所撰也  
志

趙孟頫大普慶寺碑銘惟上  
降大命于聖元太祖  
泐天啟運聖武皇帝起自朔  
肇基帝業以睿宗仁  
聖景襄皇帝為之子睿宗躬  
甲冑翦金河南雖不  
及撫有萬方薦生聖嗣是為世  
祖聖德神功文武皇



帝雄畧蓋世神武不殺命將出師不再舉而宋平九  
域分裂者餘二百年一旦一之遐陬荒裔咸受正朔  
幅員之大古所未有於是治曆明時建官立法任賢  
使能制禮作樂文物粲然可紀中統至元之間海內  
晏然家給人足而又妙悟佛乘欽崇梵教慈惠之德  
洽于人心肆世祖之享國三十有五年施及裕宗文  
惠明皇帝正位儲宮仁孝而敬慎問安視膳之暇  
順美幾諫天下陰受其賜多矣至元廿二年裕宗陟  
方未幾順宗昭聖衍孝皇帝亦遽賓天三十一年世  
宗登遐當是時徽仁裕聖皇后不動聲色召成廟于  
無軍萬里之外授是神器易天下岌岌為泰山之安  
德二年武宗撫軍于北今上日侍隆福怡言煦之

摩手撫之擇師取友俾知先王禮樂刑政為

天下之具恩莫大焉四年裕聖上僊皇上追思罔

始建佛殿于大都既而之國單懷屬成廟登遐內

將作上馳至京師先事而發殄殲大慝庫奉符

璽清宮以安太后遣使以迎武宗武宗既踐阼以上

至德偉功不踰月而立上為皇太子上緬懷疇昔報

本之意乃命剏佛宇因其地而擴之凡為百畝者三

鳩工度材萬役並作置崇祥監以董其事其南為三

門直其北為正覺之殿奉三聖大像于其中殿北之

西偏為最勝之殿奉釋迦金像東偏為智嚴之殿奉

六珠普賢觀音三十一殿之間對峙為二淨圖淨

一北為堂二屬之以庖日堂門無以周之西廡之



間爲總持之門中寘寶塔經藏焉其廡之間爲圓通  
之閣奉大悲彌勒金剛手菩薩齋堂在右庖井在左  
最後又爲二閣西曰真如東曰妙祥門之南東西又  
爲二殿一以事護法之神一以事多聞天王合爲屋  
六百間盤礎之固陞所之崇題案之騫藻繪之工若  
忉利堯率化出人間其工匠之備悉皆內帑一毫不  
役于民既成賜名曰大普慶寺給田地民匠確磴房  
廊等以爲常住歲收其入供給所須上旣卽大位崇  
祥監臣請立石紀事勅臣孟頫爲文謹稽首再拜爲  
之頌曰皇元應運誕受萬方帝以聖承於前有光明  
明天子神明八葉德盛功豐富有大業太祖張之世  
祖皇之天子康之於赫皇武皇武桓桓聖謨孔神神

器斯安粵昔裕聖功在社稷我報之圖天平則極惟  
覺皇氏具大神力人天共依是資福德迺卜陰陽相  
地柔剛歲吉辰良大匠是將迺斲迺繩築構造興務  
殫乃心毋費是懲役者謳歌相厥子來匪民是庸一  
須國材有岑其宇有踐其廡有楹惟旅金鋪雕礎載  
瞻聖容端相儼然是依是崇獲福無邊皇帝仁孝永  
命于天聖子神孫維千萬年

松雪齋集

元世祖廟洪武初建每歲二八月中旬擇日遣順天府  
官祭嘉靖二十四年罷

明會典

寶禪寺在崇國寺之街西卽元大承華晉慶寺也成化  
庚寅供用庫內官麻俊買地治宅掘土得趙承旨碑始  
知爲寺基乃復建佛殿山門廊廡厨庫悉具聞于朝改



賜額曰寶禪寺立太子少保戶部尚書眉山萬安碑于庭以寺既改額承旨舊碑廢不復存夫承旨書恣世所共珍內官惟知少保尚書之文足重于世而不知安之人品汚下見其文者方且唾而不觀咸以不見承旨碑為憾也勸五雜抄

象房弘治八年修葺工部志

何遷白塔寺偶題朝登百尺臺俯拾金光草隔塵重

吉陽文集

日下舊聞卷十四

城市五北城上

教忠坊十鋪元殺宋文丞相於此地故名五城坊巷街

京都未有孔子廟而國學寓他署丞相興元忠憲王完澤喟然曰首善之地風化攸出不可怠乃奏營廟學元

燕京始平宣撫王楫請以金樞密院為宣聖廟二十四年既遷都北城立國子學于國城之東乃以南城國子學為大都路學元史

至元二十四年既立國學以故孔子廟為京學而提舉學事者仍以國子祭酒繫銜元史百官志



時都城廟學既燬于兵穢取舊樞密院地復創立之春  
秋率諸生行釋菜禮仍取舊岐陽石鼓列廡下元史本  
傳

王巨川於灰燼之餘草創宣聖廟以己丑二月八日丁  
酉率諸士大夫行釋奠禮諸儒相賀曰可謂吾道有光  
矣湛然居士集

馬祖常大興府學孔子廟碑昔我太祖皇帝受命興  
邦金人遜于汴太祖卽以全燕開大藩府制臨中夏  
維時已有定都之志矣故太宗皇帝首詔國子通華  
言迺俾貴臣子弟十八人先人就學時城新創于兵  
學官攝于老氏之徒世祖皇帝教命下始正儒師復  
官學廟事孔子歸墟垣四侵地勒石具文作新士子

至元二十四年既成今都立國子學位於國左又因  
故廟爲京學京師雜五方俗尹治日不給廟之墻屋  
弊壞將壓以毀講習之堂麤完泰定三年今大尹曹  
侯上視廟貌祠位皆不如制割稍入爲寮案倡然後  
大家富室合貲以聚財者有焉釋子方士分食以它  
徙者有焉施施于于咸樂于成延兩廡五十有二楹  
締構塗飾工良物辦象從祀諸賢百有五人妥靈惟  
肖威儀有容又懇請于朝得廩餼弟子員百人受學  
于師復其身不勞以事於是天下首善之教興焉廟  
肇自唐咸通中遇遼金燕爲都邑故嘗用天子學制  
選舉升造與南國角立亦一時之盛也而太宗皇帝  
當雲雷經綸之世聖訓諄切以德賞喻父師以積莖



懲子弟饑焉粟肉渴焉酒醴力焉僕使恩義甚備其  
養賢勸善之誠固已高出百王之上矣世祖皇帝立  
極作則人文宣明登用儒臣躬親講學故當時勲賢  
之裔以及宿衛之臣罔不以揖讓俎豆之爲懿顯蒙  
昏愚之爲恥也而三代國學黨序遂庠家塾之等秩  
然羅列于上下才學經術用世之士踵武而出暨仁  
宗皇帝賓興大比四方舉進士凡登賢書策名禮部  
者京師屢倍于外郡非列聖仁涵義採百年之禮樂  
文物推而致之歟燕自虞夏爲武衛之服召公之化  
尚矣昭王築臺以徠賢士鄒衍樂毅劇辛至有韓子  
世韓嬰以詩易爲一家師孔穎達博綜五經卓然庶  
幾醇儒今多士游歌在庭摠衣在廟時見魯鄒之美

連王士安安祇國維賢天子萬年 石田集

順天府學在府東南洪武初建爲大興縣學永樂初以  
爲府學正統十一年重修 明一統志

順天府學故報恩寺也元末有僧遊湘潭募造報恩寺  
尚未安像明師下燕戒士卒毋得入孔聖廟僧倉皇借  
宣聖木主置殿中後不敢去遂以爲學其地元之柴市  
也文文山授命焉東有祠西有館曰教忠再西有坊曰  
育賢 春明夢餘錄

永樂元年五月禮部言舊制應天府設學不設上元江  
寧二縣學今旣設北京國子監以順天府學爲之革大  
興宛平二縣學而以大興縣學爲順天府學其順天府  
及二縣生徒通經能文者令克北京國子監生其餘皆



克順天府學生從之 成祖實錄

至元十六年帥臣張洪範執文天祥至大都囚之上屢欲赦出相之不從十九年十二月初九日戮于燕南城

柴市

中堂事紀

天祥北行十月至燕館供帳如上賓天祥義不寢處坐達旦四日張洪範至具言不屈狀五日送兵馬司械繫空宅中十餘日解手縛又十餘日得疾十二月去械猶繫頸自是囚兵馬司者四年其爲詩有指南前錄三卷後錄五卷集杜二百首皆有自序 劉岳申文信公傳

公至柴市觀者萬人公問市人曰孰南面或有指之者公卽向南再拜索紙筆書二詩云昔年單舸走維揚萬死逃生輔宋皇天地不容與社稷邦家無主失忠良神

矣若嬰穎達宜所不道矧衍毅辛之徒哉夫儒者之學詩書六藝之文以至施之天下之道無有二也後世教不興家異人殊各溺于所習以相詆訾由上之教無以一之也嗟夫古者小學大學之師弟子之傳皆本于道德仁義之實著於詩書六藝之文非有教有授則不敢以傳也傳焉而龐雜不經則上有刑也是故風淳而氣同由上文教有以一之也而王國多士逢文明之會肄業有學學有師春秋禮其先聖先師者又有廟有位入有食以處出有貴于衆所以報稱列聖教化之德而應賢侯承宣之志者必彈冠而起矣提舉學事崔居中教授賈良弼正張楨錄司視以狀請曰廟之成前尹馬思忽實能始之今尹曹偉



實能終之經歷王孝祖薛讓警巡按院元都購使李  
權且能考工于下也余既爲言正充邸沂鄆四公配  
食東鄉位其來請遂爲銘詩不辭詩曰皇元有赫奄  
受大國于月之崑于日之域京邑翼翼莫不來極予  
誕敷文德新都有嗟辟雍峩峩璿弁之瑳濟爾象犧  
鉤爾絃歌新宮則邠舊廟如之何皇帝在御百度咸  
若海輸維柁河浮厥栢是尋是斲虞岸嶽嶽式光我  
上國至聖儀儀元紘龍衣行我先師既右享之采芾  
于地薦此明犧用介我蕃釐蕃釐伊何彼美多士克  
明克類克諒厥事以登膺仕以媚于天子有鏗華鐘  
路鼓逢逢言燕于公有翼有顒多士既同天府是庸  
維曹侯之功皆侯閭閭廼承廼宣御劇廼專虞廷連

歸嵩岳風雷變氣叶烟雲草樹荒南望九原何處是塵  
沙黯黯路茫茫衣冠七載混旃裘憔悴形容似楚囚龍  
馭下宮崖嶺月貌貅萬竈海門秋天荒地老英雄喪國  
破家亡事業休惟有一靈忠烈氣碧空長共暮雲愁是  
日大風揚沙天地晝晦公既死世祖臨朝歎曰文丞相  
好男子不肯爲吾用殺之誠可惜也是後連日陰晦宮  
中白晝或秉燭行適張真人來朝世祖問之對曰此殆  
殺文丞相所致也乃贈公特進金紫光祿大夫開府儀  
同三司檢校太保中書平章政事廬陵郡公謚忠武令  
僉樞密院事王積翁書神主酒掃菜市設壇祀之丞相  
字羅初行奠禮狂飈旋地起卷主入雲中字羅等改書  
前矢少保右丞相信國公天始開霽趙弼文信公傳



江南十義士昇公墓葬都城小南門外五里道傍大德二年繼子陞至都順城門內見石橋織綾戶婦公舊婢綠荷也為陞語劉牢子乃引到葬處大小二僧塔其大塔小石碑刻信公二字遂以歸葬廬陵帝京景物畧

文丞相祠國初北平按察司副使劉崧立名勝志

永樂六年太常博士劉履節奉命正祀典謂天祥忠于宋室而燕京乃其死節之所請祠祀從之祠堂三楹前為門又為大門祠之西為懷忠會館江右士夫歲時集會于此以祭公者也宣德四年保定李庸為府尹重拓其祠信國所著有日錄吟嘯集指南錄集杜詩並刊板祠中春明夢餘錄

宣德二年二月遣順天府官祭宋丞相文天祥歲為例

歲仲春仲秋有司陳設爵三果五帛一羊一豕一祝文曰皇帝道順天府尹某致祭于宋丞相信國文公曰卿昔宋臣以身殉國忠義大節炳若日星時維仲春庸仲常祀鄉其有知尚克享之嘉靖祀典

歷代忠臣廟皆府尹致祭凡祭必用祭服獨此用常服湧幢小品

正統十三年十二月順天府尹王賢奏宋丞相文天祥故元時塑以儒士像今宜考究宋時丞相冠服改塑從之英宗實錄

鄧剡贊目煌煌兮疎星曉寒氣英英兮晴雷殷山頭碎杜兮壁完血化碧兮心丹嗚呼孰謂斯人不在世



問中齋稿

甘瑾讀文丞相傳作萬里冰天泣楚冠南雲歸計路  
漫漫尚圖一旅興王易不念孤兒立國難樓櫓海門  
西日暗劍歌江介朔風寒九京痛憶遺編在千載奸  
諛掩面看明詩統

黃仲昭謁文丞相祠詩故宮芳草以銅人滄海樓船  
是紫宸赤手欲擎西墜日丹心誓掃北來塵山河萬  
里雙垂淚廟宇千年獨愴神翹首燕山知幾仞至今  
高節其嶙峋木軒集

章懋易丞相詩元宋興亡迹已陳忠臣祠宇尚  
一如新古樹焮猶暝夜雨荒堦草自春慷慨六歌  
空灑泪聞關百戰竟捐身穆陵地下應含笑不負臚

傳第一人 楓山集

顧清謁文山祠詩碧殿長松鎖十尋晚雲將雪助蕭  
森貂蟬不改厓山制金石疑聞孔壁音南去星潮嗟  
往事北來祠廟豈公心春風一掬唐衢淚幾為先生  
濕短襟東江集

歐大任謁文信國祠憶昔南冠日厓山恨未忘魂沉  
柴市月淚盡劔門霜白雁啣江草黃龍逐海航中原  
剋劍在歌舞待巫陽歐虞部集

葉向高謁文丞相祠辭曰余夙觀夫載籍兮心倏侘  
而鬱紆信信國之逢殃兮中情要眇其焉如日余畱  
覽乎皇之都兮瞻元宮之吸噪循周垣而延佇兮涕  
淫淫其交睫惟宋室方舍夫夷庚兮獫狁下而嚙齊



民夜昏昏其未央今日又重之以晦冥蘭艾雜糅而  
不分兮驚騎前道以爭馳彼靈瑣之莫懲兮厥宗忽  
然而賁之荃服敦瘁以祗辟兮紛獨有此娉節介忠  
胄信兮欲鞭焚輪而埽狂孽何時命之蹇蹇兮羗抑  
志而逢殃雖顛頓吾猶未悔兮諒余情其信芳技已  
殫而力已極八閻昊天之莫顧終俯首而受維兮悲  
窘步于中路亨以適悶兮情見愠乎魍魎下天  
眇而不見天兮上又當乎颺辰之衝颺荃畢命而抵  
節兮更申申其誓之曰夏商周之忽沒兮競逐鹿而  
喪馬羗孰讐而孰君兮爾子故社豈荃心之忍  
聞兮掩吾耳而欲走也甘以加亦明哲  
所厚也嗟大厦之既顛兮狂瀾傾而誰杜諒昭質

未虧兮安能忍與此終古羣摩牙吮血以相向兮  
不可以久留乃遂焉而逢殃兮濫駕言乎焉遊馴玉  
虬而乘翳兮張孔蓋而拂翠旌淹靈衣之披披兮曰  
余從夷齊于首陽之陘神邈邈其高馳兮氣耿耿而  
成虹叫帝閭猶未闢兮極勞心之憺憺帝感荃之精  
誠兮命神龍奮而驅之廓日月而重朗兮固荃心之  
所求謁微軀而危死兮孰與夫忍辱而攘尤荃既畢  
此願兮辭閭闔而來下蓀房邃以岌巖兮舉芳洲之  
杜若余薦沆瀣以醞醴兮羞瓊靡以匏瓠受哀絃于  
太娥兮涓延和之以清商靈蕭蕭而若視兮冀回熿  
燭乎余誠跪於邑以陳辭兮勃颺颺而風生陳辭兮  
未終靈倏舉兮云中渺余思兮無極悵四海兮安窮



悲乎哉狂瀾潰兮夫誰能以不波綱常墜兮微哲人  
今柰何 蒼霞草

李廷機謁文丞相祠辭余相觀此下土兮紛逢世而  
得路何先生之姱質兮丁季宋以窘步當皇輿之改  
績兮魚羊張其莫抗岌大命之將泛兮乃鞿羈以右  
相編虎鬚幾不免兮傷浮海之踉蹌晝伏宿莽而顛  
頤兮夕餐樵之餘糧仍披草而求君兮梁一木以支  
厦夫豈不知屢屨之無益兮眷而不能舍也既呼江  
淮之雄駿兮又糾南土之銳師礪鈎棘與長鍬兮振  
鉦鼓與旆旗冀一成三戶兮尚祀夏而興楚將斲木  
而填海兮頻揮 以延畧何先生之恫固兮空爲此  
計軫也豈其有他故兮不忍宗周之隕也憐昊天

莫顧兮既殫技

縱欲殺而不忍兮懷糞壤而要之荃

更申申其罵之曰覽女其猶未悔兮終

野鳧解縛而相兮爾何懷乎故社豈先生之忍

願依前修之遺則初既有夫成言兮詎中道而可食

猥屈心而抑志兮徒貪生而處穢寧伏鑽而就鑊兮

不忍爲此態也身繫 其見幽兮日翳翳以將夕惟

鬱邑其佗係兮歌聲猶出夫金石雖九死其不回兮

焉能忍與此終古孔壬見其如此兮衆興心而嫉妬

乃遂焉而逢殃兮直如飴而受之雖萎絕其何傷兮

耿昭質其亦未虧繫先生之顛沛兮豈其心之所懲

鑄楚鐵以爲肝兮鍊越石以爲腸嗟人生之不百年



今何崦嵫之易逼蓋有捐之而修兮有顧之而促雍  
門勿而死越兮莫敖瞋而入也古而有之兮匪  
先生獨罹乎此辜既死賢于生將焉索彼

忍詬而苟存兮寧不爲之泚額睠先生之遺祠兮歷  
一春雨而秋霜雲油油其厚聖兮蘭總總其猶芳余何  
爲而太息兮感先生之善也跪敷衽以陳辭兮亦表  
予之志也李文節公集

楊士奇文丞相祠記北京一有公祠洪武九年前北  
平按察副使劉崧始建于教忠坊今順天府之右五  
作塑像焉永樂六年太常博士劉履節奉命  
興始有春秋之祭于有司歲以順天府尹行事宣  
四年府尹李庸遵旨葺而新之東里集

韓雍請謚文信公疏竊見宋丞相少保信國公文正  
祥弱冠立朝臨危許國志專恢復屢挫而不移心  
切匡時蹈艱危而不變既而國亡被執繫獄累年誘  
之以大用而不從脇之以刀鋸而不屈卒之南向再  
拜殺身成仁收三百年養士之功立千萬載爲臣之  
極有指南錄以著其忠愛有集杜詩以寄其憂傷其  
精忠大節與日月爭光與天地悠久誠足以正人心  
而扶世道也顧於歿後贈謚未加實爲缺典乞勅禮  
部翰林院儒臣考議加以贈謚錄其子孫并將順天  
府學之西天祥祠堂遺像改塑丞相冠服仍令有司  
春秋祭祀其於綱常誠非小補韓襄毅公集  
信公至景泰中賜謚忠烈人多不知羅文恭公集



崇禎十七年三月戊申左都御史李邦華縊于文丞相祠甲乙彙畧

三月十八日賊破外城李公移宿吉安館文信公祠下烹賜豕祀信公詰朝內城陷奔赴大內闕門閉歸館沐浴整衣冠北面再拜三揖信公曰邦華鄉邦後學合死國難請從先生于九京矣取白練書贊繫腰間曰堂堂丈夫聖賢為徒忠孝大節誓死靡渝臨危授命庶無媿吾君恩莫報鑿此癡愚縑尾非人生自古誰無死畱取丹心照汗青之句囑家人護總印必送朝毛刃江手移席正直持束帛繫信公坐椹投縲

日辰時也有學集

吳少常麟壬戌登

國山河破碎風漂絮身世浮沉雨打萍之句問之途人云是處士劉宗周時尚未識劉是年劉以儀曹董南宮役相對爽然崇禎末吳與劉同出而劉先罷歸吳遂死難越二年宗周在里亦不食死山河破碎至此方驗垣筆記

陳侍御良謨按蜀回夜夢拜文山于堂下文山揖之起曰公與予先後人品相同何下拜為後果殉難同上普德寺俗呼大佛寺建置歲月無碑記可考析津日記大興縣金名也本秦薊縣地縣治在北城教忠坊名勝志

大興秦薊縣漢為廣陽國東漢為郡兼立幽州仍為薊縣晉屬燕國元魏亦為幽州立燕郡隋為涿郡唐為幽



州治所開元二十三年陞為望縣建中二年析西界置  
幽都縣五代亦為薊縣石晉割地予遼遼為幽都府開  
泰元年更縣為析津金得之割以遺宋宣和七年復歸  
金天德五年改為大興縣元與宛平同為赤縣洪武中  
屬北平府倚郭縣清類天文分野之書  
白馬祠昔慕容氏都燕羅城有白馬前導因以為祠元  
混一方輿勝覽

關帝廟在皇城北安門東者曰白馬廟隋基也姚彬盜  
馬廟在三里河天壇亦隋基也春明夢餘錄

葛邏祿迺賢白馬廟詩祠宇當城角霜蹄刻畫真房  
星何日墜駿骨白能神曾蹴陰山雪思清瀚海塵長  
疑化龍去騰蹕上雲津金華集

崇教坊十四鋪有天聖寺坊卷極樂寺崇興坊卷菴玉城

極樂寺在崇教北坊元至元間建開元寺在崇教南坊  
俱有勅建碑順天府志

都城東北隅坊曰崇教街曰成賢國子監在焉國初本  
北平府學永樂二年改國子監去左廟右學規制大備彛  
倫堂之松元許衡手植也廟門之石鼓周宣王獵碣也  
帝京景物略

元太宗即位之五年新建國子學于燕京御製宣諭二  
通其一通諭尊羅解等及十級管象等官方是時遣蒙  
古子弟一十八人來習漢人語言文字復掄漢人子弟  
二十二入習蒙古言語弓箭命提領陳時可擇二名儒



管勾并主守孔子廟道人馮志亨選秀士二人通儒道  
人二人分作四牌子教讀不教者以簡子量筆之更  
權用燕京真定香一銀建立夫子廟兩廡及肄業之舍  
其子弟日給米一麥如之肉一斤晚同給酒一缶家  
粮之給亦一升土著者皆不與又於降戶每人撥小蒼  
頭一名以奉使令此蛇兒年六月初九日所頒也其一  
通諭受學子弟員習漢人文書之外兼諳匠藝事及藥  
材所用彩色所出地里州郡所紀下至酒醴麴蘖水銀  
之造飲食烹飪之制皆欲周覽旁通仍戒飲酒不可有  
違恒度而於習講尤諄諄也所頒之年月與前同不書  
何日意稍後於前亦不過旬日爾後十六年當定宗崩  
之明年己酉十月望日夫子廟住持賜紫知觀李志元

始龔樂石令重元子葛志仙刊置學中其左方序列  
教讀弟子各蒙古必闍赤自札古魯真以下凡十九人  
漢人必闍赤自文宣奴而下凡二十八人所謂必闍赤  
者譯言書生也其數比舊有所加者續有慕效而來者  
耳又列羅劉二通事不著其名又列宣授蒙古必闍赤  
四牌子總教馮志亨宣授金牌提舉國子學事中書楊  
惟中御前宣議國子學事仙孔八合識李志常三人銜  
各所謂八合識譯言師傅也惟中即楊文肅公從事征  
行勞烈甚著餘若志元志先志常則皆黃冠師當時制  
尚淳質混儒道二者為一不復異別有合于老易同用  
之旨厥後元勳碩輔頗有為道家所薦而起者濂謹按  
蛇兒年六月九日正金哀宗天興二年癸巳六月壬午



也金自宣宗以貞佑二年五月壬午遷汴三年五月庚申燕京入我職方至是垂二十載立學以教胄子固惟其時然竊獨惟是年王師南征園汴蹴蔡決策制勝日不暇給而太宗乃以教育英才為先務而其為教又能達事理不差鑿鑿見諸實用神謀睿算度越前王天縱之聖為不可及已列聖有作益修成均養士之制百年以來遂用人文化成天下茲蓋其權輿者歟石刻今藏京師與御賜宣聖玉筆皆提舉學事者司之每當代去出以相傳且繫其名于籍非惟不怠其本先蓋亦慎之至也濂因得而備述俾覽者知祖宗垂意學校文運之興殆非一日而纂修史臣或得以參攷焉

潛溪集

至元六年七月立國子學二十四年閏二月設國子監

元史世祖紀

姚長者仲實河南人至元中為京教監局使遷真州三務使棄官還京師累貲巨萬天子建辟雍獻美木十章米五十斛織金帛二端役夫羊裘九十襲

雪樓集

程鉅夫國學先聖廟碑皇慶二年春皇帝若曰我元嗣百世之統建萬民之極誕受厥命作之君師世祖混一區宇亟修文教成宗建廟學武宗追尊孔子所以崇化育材也朕纂不圖監前人成憲期底于治可樹碑于廟詞臣文之臣某拜手稽首奉詔言曰臣聞邃古之初惟民生厚風氣漸靡聖人憂之越有庠序學校之制天下之治胥此焉出中統二年以儒臣許衡為國子祭酒選朝臣子弟克弟子員至元四年作

日下舊聞

卷十四

四



都城畫地宮城之東爲廟學基二十四年備置監學  
宮元貞元年詔立先聖廟久未集大德三年春丞相  
臣哈刺哈孫荅刺罕大懼無以祇德意乃身任之飭  
五材鳩衆工責成工部郎中臣賈馴馴心計指授晨  
夕匪懈工師用勸十年秋廟成謀樹國子學御史臺  
臣復以爲請制可至大元年冬學成廟度地頃之半  
殿四阿崇尺六十有五廣倍之深視崇之尺加十焉  
配享有位從祀有列重門修廊齋廬庖庫爲楹四百  
七十有八學在廟西地孫于廟者十之二中國子監  
東西六館日堂徂門環列鱗比通教養之區爲間百  
六十有七制加孔子大成之號祠以太牢輦釋奠雅  
樂江南復戶四十肄之春秋二祀先期必命大臣攝

事皇帝御極陞先儒周敦頤程顥程頤司馬光張載  
邵雍朱熹張栻呂祖謙許衡從祀廣弟子員爲三百  
進庶民子弟之俊秀相觀而善業精行成者歲舉從  
政又詔天下三歲一大比興賢能于是崇宇峻陞陳  
器服冕聖師巍然如在上教有業息有居親師樂友  
諸生各安其學咸曰大哉天子之仁至哉相臣之賢  
工曹之勤其知政治之本源矣

雪樓集

吳澄賈侯修廟學頌世祖皇帝旣一天下作京城于  
大興府之北其祖社朝市之位經緯塗軌之制宏規  
遠謀前代所未有也至元二十四年設國子監命立  
孔子廟暨順德忠獻王哈刺哈孫相成宗始克繼先  
志成其事而工部郎中賈侯董其役廟在東北緯塗



之南北東經塗之東殿四阿崇十有七仞南北五尋  
東西十筵者三左右翼之廣亦如之衡達於兩廡兩  
廡自北而南七十步中門崇九仞有四尺修半之廣  
十有一步門東門西之廡各廣五十有二步外門左  
右爲齋宿之室以間計各十有五神厨神庫南直殿  
之左右翼以間計各七殿而廡廡而門外至於外門  
內至於厨庫凡四百七十有八楹肇謨於大德三年  
之春訖功於大德十年之秋于時設官教國子已二  
十年矣寄寓官舍不正其名丞相以爲未稱興崇文  
教之實也乃營國學於廟之西中之堂爲監前以公  
聚後以燕處旁有東西夾夾之東西各一堂以居博  
士東堂之東西堂之西有室東室之東西室之西有

庫庫之前爲六館東西嚮以居弟子員一館七室助  
教居中以蒞之館南而東而西爲兩塾以屬十門屋  
四周通百間踰年而成不獨聖師之宮巍然爲天下  
之極而首善之學亦偉然聳天下之望邈邈來觀靡  
不驚駭嘆羨其高壯宏敞蓋微丞相其孰能贊承聖  
天子之德意而微賈侯亦孰能闡張賢宰相之盛心  
哉侯名馴字致道濟南鄒平人至大四年三月朔國  
子監丞吳澂敘詩曰於赫臯元澤彌八埏翼翼京師  
風化攸先孔道昉明千古日月帝曰廟之以對光烈  
顯允隴臣欽輔神孫祖訓是承往聖是遵相謂而馴  
而職而職乃基乃構乃墁乃甃侯祇相言弗懈以虔  
新宮巍巍有卓其騫宮墻之西學官爰作我宏爾居



爾懋爾學爾士來遊四方具瞻爾則匪遙像貌聿嚴  
恂恂賈侯克敦克敏孰挫其廉孰混其畛一正不阿  
百折不回族斯糾紛割之恢恢廟學之崇天子之德  
丞相之功賈侯之力

吳文正公集

陳旅國子監營繕官舍記至順三年春南陽李木魯  
先生以集賢直學士兼國子祭酒監有隙地在居賢  
坊大德中有可議以建學餘力築屋以舍師儒不果  
也明年五月以中統楮泉二萬餘緡筮吉日籌工度  
費除地坊北畫爲四區區各立屋五間中三間爲居  
室旁兩間爲肅官具饗之所宅之門以東西門之街  
以南北街北距通衢立大門街南羨壤可藝蔬東浚  
井西置屋居隸者使掌大門之管以贏資治舊宅二

區之在坊中者其西地甚易敗桷腐茨補以新瓦而  
墜塗之旁起屋如北坊之制東宅西偏作室象舟可  
居棊書東南作見賓之室曰賓菴七月經始九月成

安雅堂集

中統元年許衡爲國子祭酒未幾謝病歸至元八年以  
集賢大學士兼國子祭酒帝親爲擇蒙古弟子俾教之  
衡聞命喜曰此吾事也

元史本傳

至元八年先生授集賢大學士國子祭酒有旨教蒙古  
生四人後又奉旨教七人又及四方及部下願受業者  
俱得預其列卽南城之舊樞密院設學先生奏召舊弟  
子散居四方者王梓韓思永蘇郁耶律有尚孫安高疑  
姚燧及其弟燾劉季偉呂端善劉安中白棟皆驛致館



下爲伴讀 國學事跡

先生之教人也恩同父子義若君臣因其所明開其所蔽而納諸善時其勅息而張弛之慎其萌蘖而防範之其日漸月漬不自知其變也日新月盛不自知其化也其言談舉止望而知其爲先生弟子卒皆爲世用也 考

皇慶元年二月朔徙大都路學所置周宣王石鼓于國子監二年六月建崇文閣于國子監 元史仁宗紀

吳澄崇文閣碑國朝以神武定天下我世祖皇帝以武之不可偏尚也廣延四方耆碩之彥與其謀議遂能裨贊皇猷修舉百度文治浸浸興焉中統間命儒臣教胄子至元間備監學宮成宗皇帝光紹祖烈相

臣哈喇哈孫欽承上意作孔子廟于京師御史臺言  
國子監學以御史府所貯公帑克其費逮至仁宗皇帝文治日隆僉謂監學積藏經書宜得重屋以庋有  
旨復令臺臣辦集其事乃于監學之北構架書閣閣  
四阿檐三重度以工師之引其崇四常有一尺南北  
之深六尋有奇東西之廣倍差其深延祐四年夏經  
始六年冬績成材木瓦甃諸物之直工役飲食之費  
一皆出御史府雄偉壯麗煥然增監學之輝名其閣  
曰崇文英宗皇帝講行典禮賁餉太平文治極盛矣  
臺臣請勒石崇文閣下用紀告成之歲月制命詞臣  
撰文臣激次當執筆今上皇帝丕纂聖緒勳遵世祖



成憲于崇儒重道倦倦也泰定元年春誕降命音國  
 子監立碑如臺臣所奏臣激謹錄所撰文以進臣聞  
 若古有訓戡定禍亂曰武經緯天地曰文武之與文  
 各適所用然戡定禍亂用于一時而已經緯天地則  
 亘古亘今不可無也何也日月星辰天之文也山川  
 草木地之文也人文與天地相為經緯則亦垂天地  
 相為長久而可一日無也哉我世祖怒怒用武日不  
 暇給而汲汲崇文惟恐後此其高識深慮蓋越百  
 王宏規遠範垂示萬世以為聖子神孫法程夫豈常  
 人所能測知蓋創業之初非武無以弭亂守成之後  
 非文無以致治武猶毒藥之治病病除即止文猶五  
 穀之養生無時可棄也有文治之君必有文治之臣

治之臣苟非教習之有其素彼亦惘然孰知文之  
 所以為文者故建學以興文教暢文風涵育其人將  
 與人主共治也斯文也小而修身齊家大而治國平  
 天下言動之儀倫紀之敘事物理義之則禮樂刑政  
 之具凡燦然相接煥然可述皆文也古聖賢斥世之  
 文載在方冊不考古人之所以用世不知今日之所  
 以為世用者也然則聖朝之崇文豈虛為是名也哉  
 閣之所度古聖賢之文也立之師使之以是而教設  
 弟子員使之以是而學教之而成學之而能則游居  
 監學者濟濟然彬彬然人人閑于言動之儀嘗于倫  
 紀之敘博通乎事物理義之則詳究乎禮察刑政之  
 具他日輔翊吾君躋一世文治于堯舜三代之盛由



此而選也夫如是其可謂不負聖天子崇文之明命  
休德已若夫不能潛心方冊真有得于古聖賢之所  
謂文而涉獵乎淺末炫耀乎葩華曾是以爲文乎上  
之所崇下之所以爲世用者蓋不在是 吳文正公集  
陳璉登崇文閣歌巍巍乎高哉崇文之閣兮吾不知  
其幾百尺突兀直倚蒼冥中雕簷高飛近曉日瓊牕  
洞啟來清風前瞻兮帝闕下顧兮辟雍京畿鬱兮千  
里五雲迤兮九重太行西來兮迤邐居庸北拱兮龍  
嵒峯巒遠近其環峙削出朶朶金芙蓉是中奇勝甲  
天下何況此地名儒宗圖書浩瀚紛莫數文光夜吐  
猶晴虹漢家天祿不可以復見幸喜斯閣之高崇值  
校文之多暇日徙倚而從容愛扶輿磅礴之奇秀兮

呼吸盡使歸心習闌干笑拍飛鳥上豪氣

陳元

龍俯視十二衢車馬塵濛濛欲招太

東坡

翁葡萄酒傾瑪瑙甕日醉三百玻璃

自有

勝境何必飛度扶桑東 琴軒集

延祐元年四月立回回國子監 元史仁宗紀

延祐七年四月罷回回國子監 元史英宗紀

至正十五年六月中書叅知政事實理門言舊立蒙古

國子監寺教四恫薛并各愛馬官員子弟今宜諭之依

先例入學俾嚴爲訓誨從之二十年十月朔甘露降于

國子監大成殿前柏木 元史順帝紀

國子監候日影到堂後梨樹散學 金臺集

虞集國子監後圃賞梨花樂府序至大庚戌之仲春



大成殿登歌樂成時雨適至我司業先生樂雅樂之  
復古顧甘澤之及時於是乎賦喜雨之詩推本歸功  
于成均之和迺三月辛巳國子監後圃梨花盛開先  
生率僚吏席林臺之上尊有醴盤有蔬肴載雜陳勸  
酬交錯飲且半命能琴者作古操一闋禽鳥翔舞雲  
風低迴先生於是歌木蘭之引以寓斯文之至樂而  
咏聖澤之無窮也明日僚友酌酒而賡之又明日諸  
生之長酌酒而賡之氣和辭暢洋洋乎盛哉虞某起  
言曰古之教者必以樂故感其心也深而成其德也  
易命大夫者猶與之登高賦詩而觀其能否茲事不  
聞久矣今吾師友僚佐乃得以講誦之暇從容詠歌  
庶幾乎樂而不滯者亦成均之義也命弟子緝錄爲

卷以貽諸好事可覽觀焉謹序

道園學古集

宣德四年八月修北京國子監大成殿前兩廡

實錄

宣德七年四月北京國子監請以監之東金吾等三衛  
草場二所爲諸生構房舍其地給本監種蔬以供會饌  
從之同上

明宣宗國子監箴翼翼京都巖巖學宮首善之地是  
維辟雍四方髦士來遊來學業之所專詩書禮樂學  
必有師爲士承式祭酒司業暨乃衆職師道克惇士  
乃有成俊乂奮興爲國之禎咨爾爲師敬爾儀則以  
教以率罔懈朝夕咨爾爲學明善誠身克智與能匪  
敬弗臻俗化所自賢才所出其于國家甚重而切勗  
爾師生成篤于誠無忽于行式觀厥成

官箴



先是太學因元之陋吏部主事李賢上言國家建都北京以來佛寺時復修建太學日就廢弛舉措舛錯何以示恣天下請以佛寺之費修舉太學從之正統九年正月太學成上臨視祇謁先聖行釋奠禮退御彝倫堂命祭酒李時勉進講國朝典彙

英宗御製重建太學碑畧北京故有學在宮城之良隅庠隘弗稱正統八年秋命有司撤而新之明年春成朕躬釋奠于先師循古典也退卽學之彝倫堂命儒臣講經公卿大夫百執事之臣縱掖之士兵衛之帥拱侍而聽始以萬計已而有司請如故事紀其成于碑敬書貞石昭示後人實錄

國子監在京城京北隅景泰中御史程啟請於東長安

街之南改創基址不允國史增疑

弘治改元駕臨太學有聖駕臨雍錄一卷具載勅旨奏章禮儀文移講議官職等事百川書志

兩京孔子廟易琉璃瓦自萬曆庚子始從司業傅新德請也國史增疑

崇禎十四年重修太學成八月車駕臨雍祭酒南居仁坐講臯陶謨司業羅大任講易咸卦命文武官三品以上俱坐聽賜茶講畢上入敬一亭觀世宗所立程子四箴碑遂傳禮部將廟學諸碑俱摹榻進覽又石鼓文殘闕亦令察補進呈三朝野史

國子監在城東北卽元之舊學洪武改爲北平郡學永樂仍爲國子學又改爲國子監正堂七間曰彝倫堂元



之崇文閣也中一間列聖幸學俱設坐于此上懸勅諭  
五通東一間祭酒公座西南司業座面西堂前爲露臺  
臺南中爲甬路前至大學門長四十三丈聖駕臨幸由  
之東西爲墀諸生列班于此後堂三間東講堂三間西  
講堂三間藥房三間折而東爲繩愆廳三間鼓房一間  
率性堂誠心堂崇志堂各十一間博士廳三間鐘一間  
修道堂正義堂廣業堂悉如率性堂六堂乃諸生肄業  
之所東折而南爲廊房九間門一間西亦如之大學門  
三間門東勅諭碑一通洪武十五年申明學制一通洪  
武三年定學規碑一通洪武初年欽定永樂三年申明  
學規碑一通洪武十六年并三十年欽定廟學圖一通  
廟學規制地界四至丈尺勒正統十二年十一月初四

日立外西東井亭一又東爲持敬門以入廟自出  
爲儲門以通啟聖祠土地祠及典簿典籍掌饌廳  
之路祭酒東廂亦由此入西井亭一又西爲退省  
自西少北爲廣居門以爲司業廂諸生入號之路  
內雜植槐栢共二十株前爲集門三間門前爲通  
東西牌坊各一題曰國子監監東西牌坊各一題曰  
成賢街藝倫堂後齋明所九間格致誠正號每號計三  
十七間嘉靖七年作敬一亭御制聖諭共碑七座前爲  
大門題曰敬一之門祭酒廂房在亭東司業廂房在亭  
西會饌堂一所在監東北土地祠五間在饌堂門之右  
典籍廳五間在饌堂門之左典簿廳三間掌饌廳五間  
退省號及廣居門之西爲天地人智仁勇文行忠信規



矩準繩紀綱恣度凡一十八號并退省房三連混堂淨房各一所

春明夢餘錄

國初高麗遣金濤等四人來入太學洪武四年濤登進士歸國其後各國及土官亦皆遣子入監監前別造房百間居之名王子書房有奏歸省者命禮部厚賜以榮其歸今太學前有交趾號房蓋成祖設北監以來所以處交趾官生者

長安客話

國初國子生仕進在科第之上其未仕時自出使歷事之外又有大本堂讀書武英殿紀事等清要之責故士出此途者多矣

暇老齋雜記

正統十一年太師英國公暨侯伯二十餘人早朝畢奏曰臣等皆武夫不諳經典願賜一日假詣國子監聽講

上命以三月三日在祭酒李先生時勉命諸生立講五

經各一章講罷設酒饌飲甚隴先生命諸生歌鹿鳴之

詩賓主雍雍抵暮而散亦太平盛事也

禹園雜記

唐僧洛陽亞栖草書得張顛筆意草書千文在國子監

格古要論補

趙文淑公臨王右軍樂毅論黃庭經蘭亭定武本顏魯公爭座位帖張平叔金丹四百字五碑俱在北京國子

監考繁餘事

唐太宗開蘭亭真蹟在僧辨才處特遣御史蕭翼賺得武德四年收入秦府貞觀十年始命湯普徹馮承素諸葛貞歐陽詢褚遂良臨之而歐褚畱傳最著後之所謂定武本歐所臨也所謂唐絹本褚所臨也定武本當時



刻石禁中每紙已直萬錢迨後石晉之亂契丹輦之而  
北路棄殺胡林慶曆中李學究得之其子負官緡無償  
時宋景文守定武乃以帑金代償納石于庫熙寧間薛  
師正出牧刊一別本以應求者此郡真贋已有二刻矣  
其子紹彭又摸之他石潛易古刻又別損古刻湍流帶  
左右五字爲識大觀中詔向其子嗣昌取龕宣和殿後  
靖康之亂金人取石鼓及蘭亭敘重擅輦至燕石鼓在  
國學而蘭亭不知所在矣今存國學者疑是定州薛師  
正翻刻本或薛紹彭所刻本雖非古刻然元人不能也  
此石一云明初出天師菴土中一云元順帝北還重擅  
裹載棄之于路徐中山取置國學未詳孰是春明夢  
錄

北京國子監版書有喪禮一千二百八十二片類林詩  
集六十二片西林詩集三十片青雲賦五十片字苑撮  
要一百二十七片韻畧四十五片珍珠囊八十二片玉  
浮屠十七片孟四元賦一百十三片天下書目

昔人好取華麗字以名類事之書如編珠合璧彫金玉  
英玉屑金鑰金匱寶海寶車龍筋鳳髓麟角天機錦五  
色線萬花谷青囊錦帶玉連環紫香囊珊瑚木金鑿香  
藥碧玉芳林之屬未能悉數聞國學鏤版向有玉浮圖  
不知何書當亦屬類家也又孟四元賦孟名宗獻字  
友之自號虛靜居士金時魁于鄉於府於省於御前故  
號四元其律賦爲學者恣然金史不入文苑之列惟見  
于劉京叔歸潛志耳涿水亭雜識



永樂二年三月命工部建進士題名碑于國子監命侍讀學士王達撰記題名碑有記始此憲章錄

永樂十三年命立石北京國子監登科考

進士題名碑原在國子監大成門下正統間移于太學門外國朝典彙

景泰二年五月左春坊左諭德管國子司業事趙琬奏

進士題名立石大成門下俾諸生出入皆得瞻仰誠激

勸後學之意正統間移于太學門外風雨飄淋易於損

壞乞勅工部造屋覆蓋以圖經久從之實錄

天順七年八月久雨壞國子監碑亭仆進士題名碑五

通上命有司修碑亭并豎其碑英宗實錄

明永樂十三年始會試天下舉人于北京登科考謂是

今即令立石國子監然今無有有之自宣德五年始六館日抄下同

永樂十三年乙未陳循榜十六年戊戌李騏榜十九年

辛丑曾鶴齡榜二十二年甲辰邢寬榜宣德二年丁未

馬愉榜碑無太學志戊戌辛丑楊榮撰文甲辰丁未楊

宣德五年庚戌林震榜太子少保禮部尚書兼武英殿

大學士金幼孜撰文禮部精膳司郎中陳景茂篆書

宣德八年癸丑曹鼐榜禮部尚書兼翰林學士楊溥撰

文禮部郎中黃養正書

正統元年丙辰周旋榜碑無太學志王直撰文

正統四年己未施槃榜翰林院學士錢習禮撰文太常

寺少卿兼翰林院侍書程南雲書



正統七年壬戌劉儼榜碑無太學志陳循撰文

正統十年乙丑商輅榜翰林院學士經筵官曹鼐撰文  
中書舍人程學書

正統十三年戊辰彭時榜兵部右侍郎兼翰林院侍讀  
學士苗衷撰文中書舍人黃采書

景泰二年辛未柯潛榜少保兼太子太傅戶部尚書方  
淵撰文太常寺少卿王謙書

言泰五年甲戌孫賢榜少保兼太子太傅戶部尚書文  
淵撰文太常寺少卿王謙書

天正元年丁丑黎淳榜吏部尚書兼翰林院學士知制  
誥李賢撰文順天府丞余謙書

天正四年庚辰王一夔榜吏部尚書兼翰林院學士李

賢撰文禮部儀制司員外郎凌耀宗書

天順七年癸未彭教榜少保吏部尚書兼華蓋殿大學  
士李賢撰文禮部祠祭司員外郎謝宇書

成化二年丙戌羅倫榜太子少保禮部尚書兼文淵閣  
大學士陳文撰文禮部郎中陳綱書

成化五年己丑張昇榜太子少保吏部尚書兼文淵閣  
大學士彭時撰文太常寺少卿林章書

成化八年壬辰吳寬榜碑太學志商輅撰文  
成化十一年乙未謝遷榜太子少保戶部尚書兼翰林

院學士萬安撰文太常寺少卿謝宇書  
成化十四年戊戌曾彥榜太子少保戶部尚書兼文淵

閣大學士劉珝撰文禮部儀制司主事兼司經局正字



凌暉書

成化十七年辛丑王華榜碑仆太學志劉吉撰文

成化二十年甲辰李旻榜碑仆太學志劉吉撰文

成化二十三年丁未費宏榜少傅兼太子太傅吏部尚

書謹身殿大學士徐溥撰文太僕寺少卿姜立綱書

弘治三年庚戌錢福榜少保兼太子太保戶部尚書武

英殿大學士丘濬撰文大理寺右寺副劉棻書

弘治六年癸丑毛澄榜太子太保禮部尚書武英殿大

學士劉健撰文大理寺左寺副兼司經局正字周文通

書

弘治九年丙辰朱希周榜太子太保戶部尚書兼謹身

殿大學士李東陽撰文尚寶司卿兼司經局正字劉棻

書

弘治十二年巳未倫文敘榜少師兼太子太師吏部尚

書華蓋殿大學士劉健撰文太常寺少卿周文通書

弘治十五年壬戌康海榜碑仆太學志謝遷撰文

弘治十八年乙丑顧鼎臣榜碑仆太學志焦芳撰文

正德三年戊辰呂柟榜少師兼太子太師吏部尚書華

蓋殿大學士焦芳撰文太常寺少卿周文通書

正德六年辛未楊慎榜碑仆太學志石瑄撰文

正德九年甲戌唐臯榜少師兼太子太師吏部尚書華

蓋殿大學士楊廷和撰文太常寺卿劉棻書

正德十二年丁丑舒芬榜少保兼太子太保禮部尚書

武英殿大學士賈詠撰文太常寺少卿兼經筵侍書劉



日下舊聞  
卷十四  
三  
祭書

正德十六年辛巳楊維聰榜少師兼太子太師吏部尚書華蓋殿大學士楊廷和撰文太常寺卿劉棨書

嘉靖二年癸未姚涑榜少師兼太子太師吏部尚書華蓋殿大學士費宏撰文太常寺卿劉棨書

嘉靖五年丙戌龔用卿榜碑仆

嘉靖八年己丑羅洪先榜太子太保吏部尚書兼武英殿大學士李時撰文順天府丞周令書

嘉靖十一年壬辰林大欽榜少師兼太子太師吏部尚書華蓋殿大學士夏言撰文太僕寺卿張文憲書

嘉靖十四年乙未韓應龍榜吏部右侍郎兼東閣大學士李本撰文通政司使張文憲書

十七年戊戌茅瓚榜少傅兼太子太師

大學士嚴嵩撰文禮部左侍郎兼司經

嘉靖十年辛丑沈坤榜太子太保禮部尚書兼

院學士徐階撰文工部右侍郎談相書

嘉靖二十三年甲辰秦鳴雷榜禮部尚書兼翰林院學士孫承恩撰文大理寺右寺副書

嘉靖二十六年丁未李春芳榜太子太保禮部尚書可學撰文大理寺左寺正吳昂書

嘉靖二十九年庚戌唐汝楫榜吏部尚書李默撰文大理寺右評事吳應鳳書

嘉靖三十二年癸丑陳謹榜少保兼太子太傅禮部尚



書徐階撰文山東布政司叅議王槐書

嘉靖三十五年丙辰諸大綬榜碑文剝落大學心異出

嘉靖三十八年己未丁士美榜太子賓客吏部左侍郎

兼翰林院學士郭朴撰文中書舍人管翰林院典籍

顧從禮書

嘉靖四十一年壬戌徐時行榜後復姓申少保兼太子

太保戶部尚書武英殿大學士知制誥袁煒撰文大理

寺右寺正叢恕書

嘉靖四十四年乙丑范應期榜太子太保吏部尚書

武英殿大學士知制誥嚴訥撰文大理寺左評事

林院侍書李中書

隆慶二年戊辰羅萬化榜太子太師吏部尚書建

大學士李春芳撰文尚寶司少卿兼翰林院侍書  
成書

隆慶五年辛未張元怵榜少師兼太子太師吏部尚

中極殿大學士申時行撰文太僕寺少卿兼司經局

字徐繼中書

萬曆二年甲戌孫繼臯榜大學士王錫爵撰文光祿寺

少卿兼司經局正字成楫書

萬曆五年丁丑沈懋學榜少傅兼太子太傅禮部尚書

建極殿大學士許國撰文太僕寺少卿兼司經局正字

馬繼文書

萬曆八年庚辰張懋修榜大學士葉向高撰文通政司

知事唐尚忠書



萬曆十一年癸未朱國祚榜太子太保

書兼

英殿大學士王錫爵撰文大理寺右寺

應宿書

萬曆十四年丙戌唐文獻榜記無

萬曆十七年巳丑焦竑榜記無

萬曆二十年壬辰翁正春榜太子太保

尚書

淵閣大學士張位撰文通政司經歷章

書

萬曆二十三年乙未朱之蕃榜太子少保禮部尚書

文淵閣大學士陳于陞撰文通政司經歷湯應龍

萬曆二十六年戊戌趙秉忠榜記無

萬曆二十九年辛丑張以誠榜記無

萬曆三十二年甲辰楊守勤榜記無

萬曆三十五年丁未黃士俊榜記無

三十八年庚戌韓敬榜記無

曆四十一年癸丑周延儒榜少師兼太子太師吏部

書中極殿大學士葉向高撰文通政司知事周承禹

音

內曆四十四年丙辰錢士升榜記無

內曆四十七年巳未莊際昌榜記無

啟二年壬戌文震孟榜記無

啟五年乙丑余煌榜記無

崇禎元年戊辰劉若宰榜記無

崇禎四年辛未陳于泰榜記無

崇禎七年甲戌劉理順榜記無

崇禎十年丁丑劉同升榜記無



崇禎十三年庚辰魏藻德榜記無

崇禎十六年楊廷鑑榜碑未立

按 必名其初釋褐後即撰記立石後乃有遲之一二十年始立石者至萬曆丙戌己丑則有題名而無記戊戌以後川 癸丑一榜有記而已士大夫論資格日嚴而忽視題名如此良可歎也

崇禎庚辰上有厭薄進士之意故將下第舉人與廷試貢士史惇等一百六十三人吳康侯等一百人盡留特用於是惇等上疏請援進士例謁文廟行釋菜禮并立石題名閣臣張四知以為不可上命如所請大學士周延儒奉勅撰文太僕少卿兼翰林院侍書朱國詔奉

勅書并篆額工部營繕司郎中王灝監

學中懋餘雜記

國

日下舊聞卷十四終



日下舊聞卷十四補遺

城市五 北城上

張千載字毅父廬陵文文山友也文山顯貴屢以官辟皆不就文山自廣還至吉州城下千載來見曰丞相赴北某亦往遂以故宋官營求江西省咨之北寓于文山囚所側近日以食奉之凡留燕三年潛造一櫝文山受刑後卽藏其首仍訪文山妻歐陽夫人于俘獲中俾出火其屍千載拾骨寘囊并櫝南歸付其家葬之 嶽陽集

王炎午望祭文丞相文嗚呼扶顛持危文山諸葛作相雖同而公死節倡義舉勇文山張巡殺身不異而公秉鈞名相烈士合爲一傳三十年間人不兩見事繆身執義當勇決祭公速公童子身簣何知天意佐



忠憐才畱公一死易水金臺乘風捐軀壯士其或久而不易霜雪松柏嗟哉文山山高水深難回者天不負者心常山之髣侍中之血日月韜光山河改色生為名臣死為列星不然勁氣為風為霆干將莫邪或寄良冶出世則融入土不化今夕何夕斗轉河斜中有光芒非公也

明邊集

姚廣孝謁文丞相詩凜凜宋忠臣赫赫元世祖禮遇各有道聲光照千古舊祠燕城東松柏森牖戶英靈貫日月勁氣鼓雷雨有司奉朝命維時薦芳醕客來拜庭除欲退復延佇

述虛子集

太學堂有七爨倫所以會講率性修道誠心正義崇志廣業則諸生肄業所也

西隱集

廟學建于正統癸亥至弘治十四年尚書曾鑑請修堂宇垣墻并會饌堂十六年工竣櫺星門前舊有小巷橫溝積穢乃買劉福姚浩等地東西濶七丈五尺深入四丈高築屏墻上覆以青琉璃瓦兩旁築小紅墻前為闌干以擁護之

太學志

大成門內石鼓各五西有石鼓文音訓碑一通外持敬門東有元加封聖號詔書碑大德十一年七月建西有元加封先聖父母妻并四配制詞碑一通至順二年九月建對廊樹歷科進士題名碑

同上

崇文閣元藏書之所也今東講堂有碑存

同上

蒲道源崇文閣上梁文我瞻四方京師為首善之地若稽三代國學為宣化之原皇帝發政施仁仰繩祖



武右文尙德創設儒科政府揚休期大猷之是闡中  
臺集議懼闕典之未興以爲教胄子既有成均尊聖  
經可無傑閣欽承上旨大發積緡官不科需用咸資  
于素畫農無妨作役盡募于閒民朝士程工梓人奏  
技前瞻離位後鎮坎宮雲漢昭回菁莪樂育園橋門  
之冠帶藏闕里之詩書擇吉旦而舉虹梁協衆誠而  
修燕賀伏願上梁之後朝廷清謚禮樂興行洋洋藹  
絃誦之音濟濟登茹連之士

閒居叢藁

內外學舍之制內號在廣居門右門一座曰退省號舍  
四連共四十九間其南逼室與厠自退省門漸北折而  
西爲天地人知仁勇文行忠信規矩準繩紀綱法度共  
十八號每號計二十一間度字號北有保安堂

處監生之有疾者藝倫堂後有格致誠正四號計九十  
八間嘉靖七年改建敬一亭外東號在廟左共三十四  
間大東號在東城之北居賢坊賽百萬倉西門街門二  
一曰登俊號舍東西二連共四十間一曰集英號舍二  
十七間新南號在北城二條衚衕東口門一座東西房  
二連共三十四間南北四間小北號在居賢坊衚衕門  
一座南北房二連共八十間交趾號在監之南門一座  
南北房二連共二十八間西號在成賢街之西北去監  
五十步舊雲閑寺址也小房十間又房二層計九間本  
監屬官遞居之北小房四間南一間近西小房十餘間  
大學志

監規國子生由廣業堂肄業以漸升至率性堂然後積



日下舊聞  
分量與出身

同上

監丞稱太學司直所居曰繩愆廳亦曰東廳博士別有廳稱為西廳

同上

洪武中國子生出使視行人如覈天下土田稽百司案牘督吏民修水利出有賜還有勞永樂初頒詔論訪輯高皇遺文至同十三道御史問刑慮囚皆舉重務以試之然雖勞績有成無不復監卒業者其後有長差短差之例長差若清黃寫誥之屬短差若承運庫試字司禮監膳本禮部寫民情中書科膳黃之屬短差復監長差則例滿附選待除不復監矣

同上

隆慶元年駕幸國學朝鮮陪臣李榮賢等六員各具木等衣冠赴彝倫堂外立文臣班次之次

同上

視學規制國子監先期灑掃內殿設御座于彝倫堂中駕至則學官率諸生叩迎升座則率諸生叩拜受經則諸生環聽階下還朝宴賞則率諸生叩謝敬事草

袁珙國子監彝倫堂前石晷詩流沙迢迢隔溟渤不取昆吾劍奇物杏壇花開春晝遲帝遣良工琢山骨圓如蒲壁巨如輪三尺瑤臺高捧雲子午南北已定位度數安用羅星辰六堂深沉更漏早旭日扶桑照林杪一絲影射白玉盤萬井鐘聲報清曉先生盛服坐臯比猶記花輶催直時寅賓出納著二典赤心只許羲和知爰則晨昏造小子寸陰自惜勤終始期在涓埃答主恩大明教化同一晷

柳莊集

萬曆甲辰厚載門外皇城一帶墻下忽影出城郭山川



樹木人物諸狀有鐵騎數百臨城城上皆豎旗幟與畫  
圖無異移時乃滅王芝堂說蓋

歲在壬午乃至元十九年也于是祥興亡且三年矣宋

瑞囚中作贊并序曰吾身居將相不能救社稷安天下

軍敗國亡辱為俘囚其當死久矣被執以來欲引決而

無間今天與之機謹南向再拜以死其贊曰孔曰成仁

孟曰取義惟其義盡是以仁至讀聖賢書所學何事而

今而後庶幾無媿宋丞相文天祥絕筆龔開文信公傳

虞文靖謂許文正歿後國子監始立官府刻印章蓋文

正為祭酒時尚在舊學所謂王宣撫宅也今國學彝倫

堂前樹傳是文正手植殆未必然查浦輯聞

至大四年八月芝生國學大成殿延祐二年三月芝生

大成殿五年七月芝生大成殿元史五行志

桑澤卿蘭亭考載何子楚跋定武本云大觀間詔取石

龕置宣和殿丙午與岐陽石鼓俱載以北今國學本安

知非與石鼓俱載而北者灸硯錄

國子監碑亭惟西南隅崇禎庚辰進士題名碑下尚可

容兩碑因又立庚辰科特用題名碑僅容癸未科進士

題名碑立于其次更無餘地可以立碑而明之進士題

名止此亦異矣剡丘雜抄

京師設國子學教授諸生於隋朝百官怯薛及蒙古漢

兒官員選擇子孫弟姪俊秀者入國子學元典章

崇禎十四年八月十八日車駕臨雍釋奠禮成上步至

東西兩廡徧閱諸先儒神位諭禮部國子監諸臣曰宋



之周邵二程張朱六子有功聖學今築稱先儒禮殊未稱爾部其會同詹翰官議所以尊崇之明年二月議定進稱先賢改題六子木主位列七十子之下漢唐諸儒之上告于先師得旨允行

馮一亭筆記

順天府儒學在府治東南教忠坊洪武初以元太和觀地爲大興縣學國子監爲府學永樂中以府學爲國子監因以大興學爲府學宣德三年府尹保定李庸修之大學士建安楊榮爲作記正統十一年府尹寧陽王賢重修戶部侍郎廬陵陳循作記成化元年府尹句容張諫與平閩鐸先後又修葺焉大學士淳安商輅作記

順天府舊志

陳循重修順天府學記學在今府治東南教忠坊初


元太和觀也洪武元年以觀爲大興縣學永樂元年陞北平府爲順天府則大興縣儒學例不得設矣遂以爲府學九年同知甄儀建明倫堂東西齋舍十一年府尹張貫建大成殿又建學舍于明倫堂後歲久頽毀寧陽王賢來爲府尹顧其舊址多爲軍民所侵乃謀于府丞番陽王弼治中長沙易斌通判寧海楊轅推官安陸彭理相與請復其地旣得請遂撤故新之爲大成殿翼以兩廡前爲戟門以祠先師先賢因舊爲廟以祠宋丞相信國文公爲六齋於明倫堂東西附以棲生之舍會饌有堂有厨有庫而蔽之重門焉明年春教授梁礪輩相與礪石請余文爲記

芳洲集




商輅重修順天府學記順天府學永樂初改建至是  
七十年雖數加葺治率因陋就簡未有能後前規者  
戎化改元府尹張君諫相舊齋廡逼近堂廟闕東西  
地廣之堂之北創後堂五間左右房各九間廟之外  
戟門櫺星門皆撤而新之學之門樹育賢坊二東西  
對峙示壯觀也張君去繼為尹者閻君鐸凡前工未  
畢者既皆足之復念士乏棲止勞于出入擇前後隙  
地建號房五十餘間學後拓為射圃崇墉廣廈煥然  
一新尹之功大矣商文毅公集  
大興縣題名記光祿少卿新安尹校書隆慶四年立一  
出旅話  
崇禎己卯上銳意復古倣周試士射宮之制命於賓興

後羣聚較射于國學之觀德堂射者皆戎服壬午亦然  
四思堂文集







日本書紀卷之六

寛政戊午



日本書紀



